



१०६५

येँयाःपुन्हि । कतिपुन्हि
मोहनिया भितुना

ठाकुरलाल मानन्धर
दरशा नेवाःमि, कालिम्पोङ्ग
ज्ञानमान तुलाधर
'ज्योति' शाक्य, कालिम्पोङ्ग
केशहर्ष तुलाधर
दुर्गा साय्मि
मन्दिरा प्रधान

चक्रमान शाक्य, त्रिशूली
यासुनारा कावाबाता
लबकुमार जोशी, बुटवल
आनन्द जोशी
गौतमदास अमात्य, थक्वाः
कुलबहादुर महर्जन, पांगा
भरतकुमार भारी, पोखरा

२०३२

मोहनिया लसताय् दुनुगलंनिसैं भितुना

काठमाडौं-सिमरा-काठमाडौं

एभ्रो विमानया न्हिन्हिया सेवा

व

प्रत्येक सोमबार, बुद्धबार, शनिबार



शाही नेपाल वायुसेवा निगम



नेपाल भाषाया
लयपौ

अमर कोष १

‘नाम लिङ्गानुशासनम्’

बै १८/५

थ्यंत्वा: १५८

नेपाल सम्बत १०९५ जंला

संरक्षक

चित्तधर ‘हृदय’

सम्पादक व प्रकाशक

हेमबज्र बज्राचार्य

सहायक सम्पादक

विष्णु चित्रकार

व्यवस्थापकपति

पद्मरत्न तुलाधर

भूषणप्रसाद श्रेष्ठ

कीगु भाष्या पुलांगु सफू मध्यय ने. सं. ५०६ सालय् जुजु जयस्थिति मल्लया पालय् हवपया माणिक्य धयाह्यस्थं ताडपत्रय् चवया तःगु अमर कोषया टीका दु धयागु सकसिनं स्यू । स्वये मनंनि । मेगु अमरकोषया टीका छगू लुया बल उकी अन्त्यय् (Colophon) यथे चवया तल- “सम्बत् ७१८ भाद्र पद शुक्ल वृहस्पति वासरे श्व दिन कुन्हु श्रीश्री राजवंश रावुत्त चक लंछू बाहार वासित देवसिंहस्य भुज्य-मानेन लिखितं यथा दृष्टं तथा लिखितं लेखको नास्ति दोषयेत् शुभमस्तु प्रीतिरस्तु ललितापुरी २” । झीसं शंका यायेयाय् दु- वहे माणिक्यया टीका दुगु सफू जक ल्हाया तःगु ला मखुला ? ‘यथा दृष्टं तथा लिखितं’ धाःगुलिं श्व शंका याये थाय् दुगु धकाः सीका दिसं । निगुलिं नाप तयाः स्वयेबलय् जक श्व शंकाया समाधान जुइ ।

युक्तं अमर कोष, हितोपदेश आदि संस्कृत ग्रन्थया कीगु भाषं अनुवाद यानाः नेपाल भाषा भाषी जनतायात शिक्षा दीक्षा बियेगु ज्या जुया वयाचवंगु निहः दै ति हे दये धुं कुगु कीसं अनुमान याये फु । कीगु इतिहासं गोपालवंशी जुजुबिनि पाल निस्ये संस्कृत भाषा साहित्यं तथा संस्कृति नाप श्व तिब्बत बर्मा (Tibeto-Burman) परिवार-यागु कीगु भाष्या संसर्ग जुया वयाचवंगु धंगु खं कयं । थुलिमछि दै तकया संसर्गं झीगु भाषय् गुलि थःगु पहः हिला हिला वया चवने धुं कल ज्वी । अय्सां नुना हे व्छये मफु, थःगु व्यक्तित्व कायम यानाः नेपाल भाषा अर्थात् संस्कृत भाषा मखु धकाः धायेका चवन । संस्कृत तथा आर्य परिवारया मेमेगु भाय् नाप सम्पर्क तथा सहवास जुयाः त्यासा कायेगु त्यासा बियेगु ज्या जकं जुल, थःगु पहः मदयेका व्छयेगु ज्या

मजून। आ: थौं कल्लय् तिवि कीगु शिक्षा संस्कृत, नेपाली (पर्वतिया) हिन्दी तथा अंग्रेजी भाषं जुया वःगुलि कीसं थःगु भाय् ल्हायेगु चवयेगु पहः आवा: पाका हया चवना। ल्हापा निसः प्यसः दं नं मपाःगु आ: थौं कल्लय् फिदं नीदं हे उलि पाका हया चवना थःगु भाय्या पहः त्वःत्वः फिका वया चवना, नकल यायेगु वानीं कीसं थःगु भाय् त्वःत्वः मंका वया चवना। पुलांगु भाय् नाप सम्बन्ध की ता ता पाना वन। छुछे ला थव अपशोचया छे धाये माः।

कीगु भाय्या क्रिया पदं जक नां थामय् याना चवन घाःसां ज्यू। 'जायेके' यात भरय् याये 'हीके' यात फेरय् याये आदि बांमलाःगु प्रवृत्ति वये धुकल। खला संस्कृतं 'नये' धायेत भोजन याये, 'लुमंके' यात स्मरण याये आदि धातुबल्य कीसं बांमलाः मताः। संस्कृत भाषं नां छुयेगु नं बां हे ला: ताया: कीसं वृष नारायण यात बेषानारां, रत्नमाया यात लतंमाया। पुलांगु भाषय् 'स्मरण याये' यात सुमरये 'चिन्तन याये' यात चिन्तलये 'योगलये' यात 'जोजलये' आदि नं बां हे ला: ताया। छाय्? संस्कृत भाय्-यात कीसं ल्हापां निसं गुरुया भाय् धका: धया थें सम्मान-पूर्वक व्यवहार याना वया चवना।

मेमेगु भाषय् नं थये निगू जातया भाय् दयका हः, तःधंपिसं, विद्वान् पिसं ल्हाइगु भाय् व साधारण जनतां ल्हाइगु भाय् धका: छगू हे भाषा परिवारय् निता जि दयेकेगु प्रवृत्ति दु। High German, low German, King's English (B. B. C. या Stand-

ard English), Simple English आदि। ल्हासा पाखे नं अथे तःजि भाय् चीजि भाय् धैथें दु हे ल्हापा, आ: जक गथे मस्यु। थव फुक समय अनुसार तथा मनूतय् थःगु मनोवृत्ति अनुसार जुया वया चवंगु खः। आ: थौं कल्लय् थुज्वःगु समय वयाचवन कि फुकं वरावर। तःधं चीधं तःजि चीजि धैंगु भावना मदयेका व्छयेगु मनोवृत्ति वया चवंबलय् कीसं कीगु भाय्यात निथी कथं विभक्त यायेगु भू सीदयेकेगु ज्या ममायेगु हे बांलाः। उच्च वर्ग निम्न वर्ग धकाः, हानं शहरिया भाषा गामा: भाय् धका: ववथ्याकेगु व चवथ्याकेगु मयायेगु हे भि। कीगु भाय् छगू हे- खवपय् भाय् यल्य भाय् गामा: भाय् फुकं छगू अद्वैत भाव कथं वने माः। ल्हापापायें परस्पर समागम मडुगु मखु। यल खवप आदि ल्हापा थें तापाना मच्चं। कमसे कम लेखक वर्गतसे थव अद्वैत भाव तया: ज्या सने माः। सफू पत्र पत्रिका आदिया माध्यमं विचारया तथा भाषाया नं आदान प्रदान जुया: भाषाया छगू खवापा: लुइ-केगु ज्या जुया चवनि। शिक्षित वर्ग अशिक्षित अथवा निम्न वर्ग नाप नं सहवास याये नु अमिसं नं भतिचाहे लिमचिसे उच्च अर्थात् शिक्षित वर्ग नाप सहवास थ या। तस्सतं संस्कृत व मेमेगु भाय् त्वाकज्या:गु नेवा: भाषं अमित ख्याना व्छयेगु ज्या मजुयेमा। मथू छुयाये? मसःह्य मस्यूह्य धका: ववथ्याकी धका: ग्या:। पत्र पत्रिका सफू नं ववने धका: स्वःसा थुइके थाकु। अले?

कथहं

विदेशं ह्ये माःगु मच्चिकं च्याके स्वया: थःथाय् हे दुगु
सिं दुइगु बांलाः
खकि

अगः उइत, सालय् तू सिइत हिं हिं जा थुइत व मेमेगु भुतूज्यायात माःसा
गंगु भिगु सि दंगु भावं का: झासं

चिरिभाइ दाइया सिपसः, बसन्तपुर, येँ

मां भाय् सेवा गथे ?

दरशा नेवा:मि, कालिम्पोङ्ग

थाय् थासय् सम्मेलन गोष्ठी जक जुइवं भाय्या व्यावक उन्नति जुइमखु । भाषा समृद्धिशाली यायेत विश्व भाषा नाप त्वाका स्वयेमा: (तुलना यायेमा:), त्वाका स्वयेगु क्षमतां तिनि भाषाया उत्थान जुइ ।

साहित्य ख्य:या ग्वाहालिक:पि जक “नेवा: भाय् लोमके मज्यू” हाला चवनां हा:म्ह हायेका: त्व:तूपिन्सं त्व:ता व्छइ । छन्हू इमिगु ह्यासय् लुकि हाइ कसके जुया: न्ह्यलं चायेका हइ । नेपा: गालय् दुने न्ह्याहू हे अजिगर गजि-गरं नं थ्व भाय् न्हंके फइमखु छाया:सां जनपक्षया निम्ति नं नेवा: मखुपिसं थ्व भाय् सयेका चवंगु कु । मुनानं ववत्यलेत संसा नं साया न्यकुली चवना: पति हाले थें जक जुइ । तर गावक ज्या जुयाचवंगु हे दु धका: कीपि सुम्क चवने मज्यू, ह: धाईपि अवश्य प्याहां वइ ।

साहित्यकारपिनिसं जक भाय्या सेवा याना चवनां व्यापक जुइ मखु । धात्थें धायेमाल धा:सा ईपि स्वया: अप्व: थ: थम्हं थ्व मां भाय् धका: ह्यसोका: ववनेगु व थ: मस्तयत्त व्वंकेगु तधंगु सेवा याना ति ग्यं । मां भाय्या सेवा यायेगु थ: मांयागु सेवा याना ति ग्यं धा:सां छुं मपा: । थ्व जक मखु सकल नेवा:तसैं कीगु भाय् तनी धका: थ:थ:गु व्यवहारय् छचला चवनेगु नं भाषा सेवा

यायेगु हे ख: । गथेकि- व्यापार ज्या याइपिनि बिल चवयेगु, हिसाब बही दयेकेगु आदि मां भाषं चवयेगु यायेमा: । पस: ज्यास: कम्पनी आदिया साइन बोर्ड मां भाषं चवका: तयेगु यायेमा:, क्यालेण्डर छापय् याकुसां मां भाषं हे जुलसा सकसियां न्हासं न्ह्यकु ल: त्वना: आपा: चवती जुलकि थ्व हे मां भाय्या शब्द मकासैं गाइमखु ।

थाय् बाय्या नां पुलांगु (मुलगु) चवयेगु बानी माना यंकुसा परस्तु तकं वहे नामं भाय्या अस्तित्व ल्यना चवनी, स्वाना चवनी । गथेकी इन्द्रचौक, मस्त्येन्द्र बहाल, बाङ्गेमुडा भेंडासिंह, चिकंमुगल, अट्कोनारायन स्थान आदि गुबलें जुइफं मखु । चिट्ठी व्छ:सां ठेकाना मां भाषं चवयेगु कुत: दयेमा: । न्हूगु प्रयोग मयासे पुलांगु नां छचला त:सा थ:गु देया संस्कृति नापं थाय् बाय् ह्यसिया चवनी ।

मस्तयत्त न्ह्यागु हे ज्ञानया खँ कसां थ्वहे मां भाषं कनेगु जुलसा याकनं थुइके फैं । शिक्षाया माध्यम मातृभाषं जुइमा: धंगु संसारय् आपा: विद्वानपिनिगु धातू कु । की मस्तयत्त नं मातृभाषं स्यनेगु व्यवस्था दत धा:सा आव: ज्ञान कायफं गुलि ख: मेगु भाषं स्वया नं मां बोपिनिसं थ: मस्तयत्त आख: व्वंका: छगू विषय मां भाय् व्वंकेगु अति आवश्यक थें च्वं । मेगु न्ह्यावव: हे भाय्या ज्ञां दुसां

नं नेवाः जुयाः नेवाः भाय् मसयेका चवनेगु नेवाः धाये लायक मजू ।

प्याहां वयाचवंगु मां भाय्या पत्र-पत्रिकाया ग्राहक जुयाः आर्थिक स्वाहालि यायेगु व थःगु व्यापारया व्यापार प्रचार नापं यायेत छगू ब्वति मां भाय्या पत्र पत्रिकाय् विज्ञापन बियाः स्वाका तयेगु । निगः प्यंगः थयाः नं गाना-चवपि साहुपिनिसं यथा शक्ति कथं त्हापंया रूपय् देछानाः मां भाय्या संस्थायात स्वाहालि यायेगु थःम्हं मसः सानं बाय् मलाः सानं भाय् जवाःपिनिसं सेवा याःगु ति बराबर जू वः ।

थये प्रयोग याना हःम्हेसित व आर्थिक स्वाहालिकः- बिनित साहित्यकार मखुसां मां भाय्या सेवक धकाः न्ह्याबलें ह्यसिया चवनी । गुम्हस्यां थःगु दे त्वःताः प्याहां वनाचवपि नेवामि थःगु भाय् मत्वःतुसे त्हायेगु बानि याना चवम्ह नं भाय्या सेवक धकाः सकसिनं नां कया चवनी ।


नेवाः जुयाः नेवाः भाय् त्वःमंके मज्यू धकाः मती तयाः मसः मस्यूपिनित स्यने कने यायेगु हे भाय् स्वाका तयेगुया लंपु खः । साहित्य छयःबा स्वाहालिकःपिनिसं जक भाय्या सेवा याना चवनां गुलि हे थाहां वइ बरु फुक्क नेवाःमिपिनिसं फुफुथे मां भाय् सेवाया ज्या याना यंकल धाःसा अवश्य नं भाय्या स्तर थाहां वयाः जनपक्षीय जुइ । नेवाःगालय् छयाय् जक प्रचार यानाः व्यापकता दु धकाः मती तयेगु मुखंता खः । समस्त अधिराज्यया विभिन्न थसय् जीवन निर्वाह यानाचवपि नेवाःमिपिनिसं मां भाय् मत्वःतुसे व थसय् कायम याना चवन धाःसा नेवाः-तय्गु गौरव धाये ज्यू । अकें गनं गनं प्रचार मजुया चव-थाय् भाषा जवाःपिनिसं मिखा ब्वया स्वयेमाः धैगु जिगु इनाप दु । थ्व जुल साहित्यकार स्वयाः ब्वय्या इवलय् चवपि नेवाःमिपिनिसं वः विइ माःगु खँ ।

भाषा समृद्धिशाली यायेत विभिन्न भाषाया कृति

अनुवाद यानाः ब्वमिपिनिगु बौद्धिक विकाश यायेगु कुतः नं साहित्यकारपिनिके द्येमाः । भाषा विषयम् अनुसन्धान यानाः व अध्ययनया ज्या यानाः थःगु मां भाय्या व्याक इतिहास चवयाः पिकायेगु अति आवश्यक जुया चवन । समालोचनाया क्षेत्रय् नं फुफु कथं थःगु त्हाः चवम्ह्याका यंकूसा ब्वमिपिनिसं सरस व सरल रूप न्हगु कृतिया विशेषता थुइका कायेकै नाप नापं भाय्या व्यापकता नं खने वयाः विकासया लंपुइ न्ह्याःवना चवंगु सीदइ । स्कूल, कलेजयात माःगु पाठ्य पुस्तकयागु सां भाषं टिका टिप्पणी पिकायेगु कुतः नं साहित्यकारपिनि पाखें दया वंसा विद्यार्थी वर्गयात जुयाचवंगु असुबिधा तना वनी । सेगु विशिष्ट विषयय् गथेकि विज्ञान, टेक्नोलोजी, भूगोल, इतिहास, अर्थशास्त्र, राजनीतिशास्त्र व दर्शन आदिया सफू मां भाषं अनुवाद यानाः पिकाये दःसा विद्यार्थी वर्ग-पिनिसं व विषयया ज्ञान अपुक व याकनं कायेकै । सेगु भाषं ब्वने बलय् स्वयाःनं याकनं थुइकेकै । मां भाय्या शिक्षक शिक्षिकापिनिसं छगू अंश पुलांगु नेवाः लिपिया ज्ञां बिइगु किसिमं स्यने कने याना यंकूसा नेपाःया पुलांगु आखः नं समय अनुसारं ह्यसीकेगु अवसर विद्यार्थी वर्ग-पिनित दया चवनी ।

विदेशय् चवनाचवपि नेवाःमिपिनिसं नेवाः भाय् व संस्कृति विषयय् चवया तःगु सफू ग्रन्थ आदिया अध्ययन यानाः पिकाये फुसा साहित्यया उन्नति जक मखु सम्पूर्ण जातिया उन्नति जुइ । देश विदेशया पुस्तकालयय् तथा तःगु नेपाःया पुलां पुलांगु सफूया अध्ययन यानाः थःगु जाति व साहित्यया तथ्य मालाः विचार शक्ति चवम्ह्याकेगु सकल नेवाःमिपिनिगु कर्तव्य खः ।

फुक्क नेवाःमिपिनिसं थ्व विषयय् दुनुगःलं निसें विचार याना यंके माःगु अवस्था न्होने दं वयाचवंगु दु अकें मिखा ब्वयाः स्वइ धकाः विश्वास यानागु जुल । ➤



थितिकुतिया नातिकुति खँ

ज्ञान मान तुलाधर

थितिकुतित आपा: याना: मिजंत सिकं मिसात आपा: खनेदु। थितिकुतितयसं नातिकुति खँ लहाना: थम्हं हे दु:ख सिया जुइ। सेपिन नं थुज्व:पि मनूत अप्व: याना: यइ-मखु। फाँइफक्क उज्व:पि मनूतयन मा:सांम्बा:सां ज्याखंय सती नं मखु। थितिकुतितय् इमिसं स्वयेबलय् इपि गुलिखे शुद्धपि, थितिरिति स्थूपि, धर्मात्मा थें भा:पा चवनी। थ्व मनया व मनबा, थथे याये मतय: अथे याये मतय: धका: नाना रंगया अर्थ न वर्थगु खँ लहाना: थ: जक: त:धं ताया चवनी। आ:यागु जमानाय् थुज्व:पि मनूतयत अन्धविश्वासी, थम्हं धावमा:म्ह, गजवम्ह धाइ। थुज्व:पिनि गुज्व:गु वानि जुइ धा:सां नये-थाय् जूसा ल:थल छग: घानाहे जुये साली थ्यूथ्यूगु चिप धका: ल: हा:हा: याना जुइ। ल: छकुति हा: यायेवं शुद्ध जुल धका: भापी। सुयात थ्यूसा नं ल: कायेमा:। काचाक्क ल: महुसा ध: खंसा धलय् जूसां तुतिया पति थुना: नं शुद्ध जुल भा:पा चवनी। अमि थुज्व:गु बांमला:गु वानि जुइ धुंकी कि थ:गु म्हय् हे भेदभाव याना: म्हतुइ थ्यूसा चिप, तुति थ्यूसा थ्यात धका: अशुद्ध तायेका चवनीगु। ह्यामय् नं थी मज्यू अशुद्ध। थुकथं थ:गु म्हय् हे छयनय्, छवालय्, तुनी, ह्यासय् ननं हे थी मजीका: थ:गु म्हय् हे भेदभाव याना: इपि थ:त हे मछिका: कय-

कय् कुनाजुइ। थुज्व:पि मनूत सफा सुधर जूसा ला जि हे जिल तर इमि म्हव्, छयनय्, छिति था:सां ज्यू, वस: हाकुसां ज्यू, बसतय् सि ससि दा:सां ज्यू। तसकं गजवगु खँ।

आपा: थितिकुति जुल धायेव मनूतसें गुबले चितासू सी मखु। गुम्हं मन् सुनानं थ्यूगु ल: हे मत्वना धका: थ:हे दु:ख सिया: थम्हंहे ल: लह्यायाहया: ल: त्वना जुइ। सुनानं थ्यूगु जा मनया धका: दु:ख सिया: थम्हंहे जा थुया: नया जुइ। गुम्हं गुम्हं हानं सुनानं थ्यूगु मनया धका: मानं थ्यूगुयात नं अपमान याना जुइ। इमि स्वयेबलय् गुलि त:धंगु ज्या यानाजुया, गुलि त:धंम्ह शुद्धम्ह धका: भ्वासि चाया चवनी। तर धात्थे धायेगु जूसा इपि ला अ:ख: बुद्धि कयाचवपि ख:। सुनानं थ्यूगु ल: मत्वना, करपिसं थ्यूगु छुं मनया धाइम्ह भ्वासिम्ह मनूपाके थ्व खंया ज्ञान महु कि वं का: वंथाय् यागु ल: गनं वयाचवन, सुनां सुनां थिया वनेधुंकल। करपिसं थ्यूगु मनया धा:ह्यास्यां व नयेगु वस्तु सुनां सुनां बबबिया हल, गुज्व:गुज्व:गु धासय् दिका हल, चिपगु लहा:तं थिया हल ला निपगु लहा:तं थिया हल ला थुज्व:गु धा:सा लीके नं स्वा: वास्ता नं महु छुं ल्या: महु। वया ल्हा:ने थ्यनेव जक जात भात, अने तने थिति-कुति खँ वयेका: थ:थम्हं दु:ख सिया: मछिका जुइगु।

थुज्वः गुड्यालगम् मज्जूगु वानि वःसा त्वःतेगु गुलिखे
मि, थःतहे अःपुइ, याउंई । थ्व थितिकुतितत्त हेला यानाः
गिज्जग् यानागु खं मखु, विचाः याना स्व, कल्याणगु खं
खः । मखुसा भगवान् बुद्ध थें जाःह्यसिनं भिक्षा पववि-
ज्यानाः जात जातया वास्ता मयासे थद्धा भावं न्हाह्यसिनं
व्यूगु भिक्षा नं शुद्ध माःपा भोजन छाया याना विज्याइ ।
सफा सुधर अवश्य याये माः थःगु स्वास्थ्यया निति मनिगु
वस्तु नये नं मज्जू । फोहरथाय् लाःगु वासी चीज नं नये
मज्जू । तर म्वाःसां चिप निप वं थिल थ्वं थिल धकाः मूर्ख
जुयाः, तःथं छुनाः भ्वासि चाया जुयेगु बांलाःगु खं मखु ।
थुकियात त्वःगु छुगु बाखं थन कनां हाइपुइ मखु थें च्वं ।

छक्कः छ्हा मन् तपस्या यायेत जंगलय् वन । छ्थाय्
सिमा ववय् वास यात । व मन् गृहस्थीवल्य् नं छेय्
थितिकुति जुयाः थःत नं करपित्त नं चितासू मध्येका वःह्य
जुयेमाः । अले सिमा ववय् च्वनेतं नितें हे वयागु थिति-
कुतिगु वानिया चस्मां स्वयाः थन मज्जू अन मज्जू धाधां
थाय् लुइकेत हे वयात तसकं थाकुल । गनं झंगःया खि दु
धाल गनं छु खि, गनं स्याडला दु धाल गन छु गनं छु यायां
थौं थ्व सिमा ववय् च्वंसा कल्लय् सेगु सिमा ववय् च्वं
वनीगु । गनं झंगलं खि फाना हल धाल । गनं धू वल धाल
गनं छु वल धाल । थुक्थं जुयाः व छ्गू हे आसनय् थातं
च्वने मफु । खुसी म्वः ल्हू वंसां न्हयक्कःला लिहांथिहां जक
जुइगु । गुबलें म्वः ल्हूइ धुंकाः ववखं हाचां गाल धाल,
गुबलें वं लें काटय् यात धाल, गुबलें ध्वं हाल बिछुक जुल
धाल । थथे जक जुयाः म्वः छुकः ल्हूयां वयेत हे वयात
बांहि मयाक बित । नयेगु गुबलय्, त्वनेगु गुबलय् ।
मुनानं थ्यूगु मनया धकाः भिक्षा नं कया नइह्य मखु ।
जंगलय् सिसाबुसा काःवंसां साइत, बेसाइत, थ्व झंगलं
चिपयाना तःगु, थ्व थुज्वःगु उःवःगु धकाः गुबलें द्यां हे
लाना जुइगु । अथे यायां न थःगु स्वास्थ्य शरिरया गतिपति
दत न छुं तपस्या हे याये फत ।

छ्हु बहे मन् म्वः ल्हू वंवल्य् अन खुसी मेह्य छ्हा
तपस्वी नं म्वः ल्हू वयाच्वन । अले व थितिकुतिचिया म्वः
ल्हूया वन, हानं लिहां वल म्वः ल्हूया वन, हानं लिहां वल
म्वः ल्हूल । थथे जक यायां वं निक्कः प्यक्कः लिहांथिहां
जुजुं म्वः ल्हू वल । वया थुज्वःगु पहः छनाः अजुगति
चायाः मेह्य म्वः ल्हू वःम्ह तपस्वी छ वःवःमछि म्वः ल्हूइ
धुंकल अथेनं हानं हानं लिहांथिहां जुयाः वःवःमछि छाया
म्वः ल्हूइ माःगु धकाः वयाके न्यन । अं बहे ला धयागु स्वः
ल्हूया वनां गुबलें ववखं हाचां गाल, गुबलें मेपिसं लें काटय्
यानाः बिछुक जुल, हानं म्वः ल्हूइ मायेका बिल धकाः वं
लिसः बिल । अले मेह्य तपस्वी धाल, स्व छ गपाय्चवः
गंति जूगु, थन जंगलय् छं छु याना च्वनागु धकाः न्यन ।
जि तपस्या याये धकाः वया च्वनागु, शुद्धगु थाय्, नये
त्वनेगु इथिमिथि मज्जूगु मदयाः हेरान जुल तसकं मजिल
धकाः वं धाल । व मेह्य तपस्वी धाःसा तसकं ह्ण्टपुण्ट
छ्वाःहे चक्क । वं धाल— हे पासा, छंगु तपस्या अमज्जःगु
छांतं गुबलें पुरय् जुइमखु । आः आमथे मखु, जि नापं
नु, जि नापं च्वनाच्वं, तपस्या पुरय् यायेगु लंपु जि वयना
बी धकाः वयात थः ल्यूल्गु यंकल । अले थःगु कुती यंकाः
तयाः वयागु अन्धविश्वासयागु थितिकुति वानि फुकं मद-
येका बिल । लिपा व ह्ण्टपुण्ट जुयाः ज्ञान थुयेकाः तेजिलो
छने दयावल । आपालं ज्ञान गुण सीकाः लिपा थःगु
अज्ञानगु थितिकुति वानि लुपंकाः थःथम्ह तुं न्हिले मास्ति
वयेकाः थःथम्ह तुं धाल— “जि गुज्वःम्ह मूर्ख जुइ, थिति-
कुति जुयाः थःथम्ह तुं माःगु धकाः दुःख सिया जुयागु ।
बल्ल थन जंगलय् वयाः तपस्या यानागुया फल सी दयेकाः
थितिकुतिया पंजलं पिहां वये फत । आः साप हे याउंसे
च्वन । आः तिनि बल्लं स्वतन्त्र जुल । थ्वहे तःधंगु लाभ
जुल ।” थथे धयाः व तसकं खुसि जुल । उकि थितिकुतिगु
वानि व थितिकुतिया चस्मा त्वःते फःसा व तपस्वीयात
थें याउंसे च्वनाः न्हाबलें सुख दइ व बुद्धिमानी व कल्याण
नं जुइ ।

छं थःत म्हुया व्छये जिइ हे मखु

‘ज्योति’ शाक्य, कालिम्पोङ्ग

दे मखु देगः जक चाःचाः हुयेका तइगु
परम्पराया ज्याथ निर्देशनय्
संस्कारया भावुकतां सायेकाः
माथं मवंगु, श्वाभःगु लेंय् -
बाध्यता व विवशताया पालि ख्वाय् जक
यंत्रवत् लिना जुयेत

छ मुक्त-चेतना महुहा
नव-सृजन शक्ति महुम्ह
थःत थःम्हं म्हसीके मफुम्ह मुक प्राणी मखु;
विगत-गौरवया भग्नावशेष जुयाः
वर्तमानया म्युजियमय् थःत थःम्हं व्व जक व्वयाः
भविष्यया शून्यय् जिलीन जुया मवनेगु जूसा -
अले हानं -
सत्य-दुष्प्रगु, प्रतिभा-स्वां ह्दइगु
आत्म-विकास हे छंगु लक्ष्य खःसा
छं -

शान्ति-न्यायया अलकतरा लायाः साथं
वंका तःगु

प्रगतिया हचूपाः व्वाके फइगु
थःगु मौलिक-लं मम्हुसं जिइ हे मखु;
छाय्धाःसा -
लुम्बिनी दुथ्याःगु देशय् च्चम्ह
छं हे थव दकलय् बांलाक थुइकाच्चंगु दु कि -
यदि -

ह्तापानिं दुगु, सकसिनं स्यूगु
परम्परामय ज्ञानय् जक संतुष्ट जुयाः
गुरु वचनया परिधी कुनाच्चंगु जूसा
शावद सिद्धार्थ कुमार नं बुद्ध जुइगु

खइ मखु । *

बाख्वा

धर्म ला, पाप ला !

— केषहर्ष तुलाधर

सुथय् जनवहाः देके वनाः लिहां वयाच्चंहा नित्य
मायाया तुगलय् खं त्हाः । “धेवा छायां रथय् दुने मलासे
पिने का लाःगु ! छाया जुइ ? छं मभिगु जक जुइगु खः
ला ! लाः सा छःया जक जि मयःगु ला ? ! अये ला गथे
खइ ? शौकह्ताया धेवा हे फसं पूगु । ह्तापा थं धेवा
ऊयातुगु मछये धुंकल । थगुने सिजःयागु ऊयातुगु न्यागः-
वगु ध्याग जकं का गपायसकं न्हाइपुक्क रथय् दुने छःया
क्वस्सं हे थ्याक्क ला गु । गुलि न्हाइपुगु उबलय् जितः !
आः जुल स्वः ! ! !” थये तुगलय् खं वायेकु वायेकुं
वयाच्चंहा व थःगु छेंया छेली थन ।

अन छथाय् ध्याकुनय् वं छह्य तग्वाराह्य छुं खन ।
छुं जक खनेवं ला वया तुगलय् वयाच्चंगु खं फुकं त्वःमन ।
छुं खनेवं वया म्हुतुं मचायेक हे पिज्जल- “इवहे इवक-
मनीह्य छुं ला जुइ नि जिगु अपाय्जि पति त्यात्या याना
तःगु ह्मिगः ।” थये धाधां वं न्हाःनेसं दुगु बापलाः अप्पा
छपा कयाकथं छुंयात कयेकल । छुं वाथा वाथा वनाः
सित । नित्य माया “राम ! राम !! राम !!!
राम ! ! ! !” धाधां थाहां वन ।

तुतां

-दुर्गा साय्मि

तुतां श्व संसारय् सकसितं मदयेकं मगाःगु वस्तु खः ।
गथे ध्वाः जायेकेत नसा, पुनेत वसः, चवनेत थाय् बाय् माः
अथेथेतुं तुतां नं कीत माःगु वस्तु जुयाः की नाप नापं
कीत पलाः छिकेत तुतां ताय्तिता याकः वया चवंगु दु ।
कीत जक मखु श्व पृथ्वी पलाः तःवःपि सकसितं सीकं वा
मसीकं तुतांयात न्ह्यो न्ह्यो जयाः स्वहालि कया चवंगु दु ।
अज धाय् ववातुक धायेगु खः सा श्व बिश्व, पृथ्वी, अले
सौर्य-जगतयात हे तुतांया स्वहालि माला चवंगु दु ।

गुबले निसै श्व पृथ्वी प्राणी व मानव श्रृष्टि जुयाः थाय्
नाला काल अज्ज पृथ्वी व सौर्य-जगत श्रृष्टि जुइ न्ह्यः
ब्रह्माण्डया नापनापं तुतां नं श्रृष्टिया पलाः न्ह्याके धुकुगु
जुइ । थुक्रिया बलाःगु दसु प्रकृति नाप त्वाय् चिना स्वये
बलय् अले विभिन्न दार्शनिकतय्सं थःथःगु पहलं दसु बियाः
चवथा तःगु सफू अध्ययन याना स्वयेबलय् सीके फु कि
तुतां गुलित पुलां । उबलय् निसै थौं तक्क न्ह्यः न्ह्यः चवनाः
ई या नापनापं पलाः छिनाः तुतां जुयाः स्वहालि बिया
वःगु दु । जुइफु उबलेयापिसं तुतांया संज्ञा बियाः तुतां
धकाः जुइ मतः जुइ तर छुं वस्तुया वा सुयागु लिधंसायला
अवश्य स्वाये सःगु जुइ, तर तुतां हे महुगु मखु । कीसं
मसीकं मखकं छुं खँयात नं बिश्वास याये मखु धौगु खः सा

चन्द्रमाय् मनूत क्वहां वंगुयात नं शंकाया दृष्टि स्वयेमाली ।
छाय्कि चन्द्रमा कीगु धार्मिक दृष्टि द्योया रूपय् कयाः
पुज्याता चवंगुदु । अज गुह्य गुह्यं पुलांगु धार्मिक अन्धबि-
श्वास दुपि मनूतय्सं श्व नं धयाचवंगु दुकि चन्द्रमाय् सुं
नं वने फइमखु अले सुं नं वनी धौगु थौं तक बिश्वास
जयाःनि । तर न्ह्यागु हे थ जुइमा छुं खँयात नं बिश्वास
यायेत दसि माः दसि मदयेकं छुं खँयात नं बिश्वास याये
कं मखु ।

तुतां खला छुपु सियागु वा नयागु बुरातय्सं, कापिसं
बमलाःपिसं च्या जुइगु छुपु साधारणगु तुतां हे जक खः ।
स्वःसा छुं महु तर दुने दुहां वनाः वातुवालाः स्वयेबलय्
जुइ जक सिमित मधुसे, थुक्रिया ब्या तव्यानाः बिश्व रूप
पिबवया चवंगु दु । गथे मस्तय् मांबौपि तुतांया रूपय् थम्हं
माबव दुःख सियाः नं थः मस्तय् बलकेत माःगु कुतः
यानाः लिधंसा बियाः पलाः छिकेत लं वयना चवनी । यदि
मांबौपिसं थः मस्तय् बडव वितुं गाः यहुं धकाः वास्ता
मयाःगु जूसा थौं श्व पृथ्वीया धःचाःहे दिना चवनी धकाः
बिचाः याः वनेगु ज्याः जुइ । काय् न्ह्याय्वा सुख दुःख हे
मांबौपिनिगु पुख दुःख जुइ मस्तय् छुं जक जूसां न्हय्
मन्हां धन्दा कया चवनी । अज वाजु वा ततापि नं थः

किजा बा केहें पिनिगु हरेक पलाः पति भविष्य मि जुडमा
 धकाः थःथःगु पहलं तिबः बियाः छगः थोगु नगुथें बिश्व
 खल्य थनेत माःगु कथं भूमिका भिहता वया च्वंगु दु
 गथे मांबौपि मस्तय तुतां खःथें मस्त नं मांबौपिनि तुतां
 अवश्य खः । थव खें कोगु धार्मिक परम्परा, अन्धबिश्वास,
 इतिहासं तथ्यं पिव्वःगु दु कि मस्त मदयेकं सुं नं बुरा
 बुरीपिनि निंति सीधुंकाः स्वर्गया लुखा चाइ मखु हें ।
 अथे जूगुलि मस्त हे मांबौपिनिगु स्वर्गया लुखा चायेका
 बीपि खः । मांबौपिसं मस्तय भविष्यया लेंगु तथ्यकेत
 तुतां थें जुयाः गुकथं भूमिका भिहता च्वन मस्तयसं नं मां-
 बौपिनिगु हरेक इच्छा आकांक्षा पुति याना बीत तुतासं थें
 थःत चुतुचुलाः थःहे फुना वने मायेक दुःख सी माःसां
 सुनानं लिफः स्वःगु खें मखु । अथे हे कलातं भाःतया
 ग्वहालि कयाः वा भाःतं कलाःया ग्वहालि कयाः छुं ईया
 लागि तक जूसां थव दबू रुपि बिश्वय् प्याखं पाः कयाः
 कलाः भाःतया गुलित सम्बन्ध ववातु धेंगु खें ववया च्वंगु
 दु । कीसं स्यू कीगु रढीवादी समाजया व्यवहारं भाःत
 मदये धुंकूह मिसायात समाजं गुगु मिखां स्वैं अले समा-
 जय् व मिसां गुगु कथं छ्यं ल्हनाः स्वाये माली । हानं
 कलाः मदये धुंकूह मिजंयात नं गुगु कथं स्वैं । गथे सुका
 मद्यकं मुलु न्ह्यानाया छुं महत्व मदु, मुलु मदयेकं सुकाया
 नं छुं सार मदु । अथे जूगुलि फुक फुकसियां तुतां खः
 बलाःसां बमलाःसां । यदि बलाःमहसित छुकियागु ग्वहालि
 स्वाः धेंगु खः सा थौं सौर्य-जगत हे शायद दे मखु जुइ ।
 कीसं छुं न्यना तेंगु दु कि सुर्छः तसकं शक्तिशालि अले
 थःगु हे परिवार दयेकाः सौर्य-मण्डलया नायः जुयाच्वंम्ह
 सुर्छायात हे ब्रम्हाण्डया ततः ग्वःगु नगुतयगु ग्वहालि माः ।
 थवहे ग्वहालि कयाः पृथ्वी, बुद्ध, अले मेमेगु ग्रहतयत
 ल्यंका तल । पृथ्वी नं सुर्छाया ग्वहालि कयाः थःहे नं
 चाःहिलेत तुतांया ग्वहालि कया च्वंगु दु, वयात कीसं

मेरुडण्ड धया च्वना । यदि मेरुडण्ड मदुगु जूसा शायद
 पृथ्वीया हे नं अस्तित्व ल्यनीगु खें मखु । थौं थवहे मेरुडण्ड
 पृथ्वीयात ह्याउमचायात थें ताय्तिति याकाः पृथ्वी,
 चन्द्रमा अले जगत प्राणीया अस्तित्व लेहें लेहें पुइका तल ।

हानं पुलांपि असभ्य धकाः धया च्वनापि इतिहासं
 निसें कयाः थौंया बैज्ञानिक युग तकयागु बिश्वया इतिहा-
 सया पौ पुइका स्वल धाःसा उबलयापिसं नं थःथःगु
 जाति स्वाका तयेगु लागि बलाःसां बमलाःसां छगू हे
 पुचलय् च्वनाः वं वयात वं वयात ग्वहालि यानाः थःथःगु
 जाति स्वाका वया च्वंगु दु । थवं थवय् ग्वहालि याये
 मसःपि अबलय् हे फुना वने धुंकल कीसं इमिगु वव्यं
 गनं संग्रहालय् जक लुइके फइ । थव मानवयागु इतिहास
 जक बः मकासे कीसं पृथ्वी श्रृष्टि जुसां निसें थौं तकयागु
 बिश्वया इतिहासया पौ पुइका स्वयेबलय् पृथ्वी श्रृष्टि
 जुयाच्वंपि पशु पंक्षी व कीतय्सं नं थःथःगु जातिया
 अस्तित्व स्वाकाः तयेया निम्ति गुगु कथं सुयां ग्वहालि
 पलाः छिना वया च्वंगु दु । दमुया लागि धाये, तसकं
 तसकं चिकीचा छिकपि प्राणी इमू थवं थवय् ग्वहालि
 यायेसः, एकताया मू थू । ईया नापनापं पाय्छि जुइक
 पलाः छी फुगुलि हे थौं तक स्वाना च्वने फत । नत्रसा
 उबलय्हे इमिगु अस्तित्व फुइ धुंकीगु जुइ ।

गथे छम्ह छम्ह मनुखं परिवार, परिवार समाज,
 समाज दे जुयाः बलना वनी अथे थें परिवार समाज व
 देया बाताबरण परिस्थिति स्वयाः थःथःगु विकाश यानाः
 नापं मेपिस्त नं बलंकेत पलाः छिना वःगु दु । थः हे दने
 मफुगु देशं नं मेपि थें दनेत व बमलाःगु व अबिकसित
 देशं माःगु कथंया ग्वहालि बलंगु देयाके कयाः बलना
 वःगु दु । अथे थें कीगु दे नेपाः तःगु दे नाप त्वाय् चिनाः
 थःत माःगु कथंया ग्वहालि नं काये सः । हाकनं न्ह्याबलें
 करपिनिगु जक ख्वाःपाः स्वया च्वनेगु भावनां यानाः

विचित्रधंगु दे बा ब्वमलंगु देया जनतां दाजु किजाया सम्बन्धय मितयाः देया अस्तित्व नापं सार्वभौमिकता हे लिगिलिगि संका च्वन । थुकिया क्वातुगु दसु भियतनाम, कोरिया, कम्पोडिया, मध्य पूर्वया दे व मेमेगु दे खः । अजाःगु भाबना राष्ट्र राष्ट्रयाके दुसां राष्ट्र राष्ट्रयात अनेक प्रकारं आर्थिक, बैज्ञानिक, सामाजिक व सैनिक ग्वहालि यानाः अज छगू राष्ट्रया शान्ति व सार्वभौमिकताय् घाः घाके मबोत थम्हं फुगु चाःगु ग्वहालि नं याना वःगु दु धंगु खँ थौंया बिश्वया इतिहासं ह्याय्कनं थें न्ह्यब्वये हःगु दु । अथे जूगुलि थ्वयात तुतांया बिश्व रुप मध्यय् छगू रुप घाःसां छुं पाइ मखु । उकीयात हे वः कयाः बिश्वं थौं बिश्वया अनेक राष्ट्रयात तुतांया महत्व ब्वयाः बिश्वय् शान्तिया पलाः छिका च्वन । दँ १०१४ निसँ १९१८ तक जूगु ह्यापांगु बिश्व युद्ध धुंकाः बिश्वया फुक्कं राष्ट्रयात छगू हे गुठियार यानाः दाजु किजाया भाबना ब्वलंकेत बिश्वया नकतिनि संकटं न्ह्यलं चाःगु व विकाशया लॅपुड पलाः तयाच्वंपि राष्ट्रतयगु कुतलय् लिग अक नेशनस धकाः विश्वय् थने हल । तर गुलिचां मदुबलय् दँ १९३९ निसँ १९४५ तक जर्मन, जापान व इटलीया नेतृत्वय् हानं निक्वःगु बिश्व युद्धया भुछाय् ब्वल मुकें चक्रवर्ति जुइत ह्याय् भ्वाका च्वंहा जर्मनीया ह्याय् त्वदुल, रूस, अमेरिका व बेलायतं अंशबन्दा याना काल । थौं तकं निक्कू टुका जुया च्वन । जापानया हिरोसिमा व नागासाकि शहर ध्वस्त जुल । अले दँ १९४५ स न्ह्याबलें राष्ट्र राष्ट्र नाप त्वापु यानाः बिश्वय् संकट पिकयाः अले मानबताया अस्तित्व जक फुका जुइ मजिल धकाः ततः धंगु शक्ति राष्ट्र अमेरिका, रूस, बेलायत, फ्रान्स व चीनया कुतलय् न्हगु विधान ज्वनाः संयुक्त राष्ट्र संघ धकाः तुतां थें विश्वय् थने हल । थौं वहे राष्ट्र संघं बिभिन्न देयात आर्थिक बैज्ञानिक व सामाजिक संस्था दयेकाः ग्वहालि

याना बल । नापं चिचिधंगु विकाशया लॅपुड पलाः छिना-च्वंगु राष्ट्रयात ग्वहालि यानाः शान्तिया हःपाः बियाः अले राष्ट्र राष्ट्रयात स्वाधीनता व स्वाबलम्बनया पाठ नं ब्वंका बल ।

अज थुलि नं धायेमाःगु दु कि गुगुं नं देया तुतां उगु देया बिभिन्न भाय्, जाति, शैलि, साहित्य व संस्कृति खः गुकें देशया शासन व्यवस्थायात बल्लाःगु तिबः बी । अथे जूगुलि गुगुं नं राष्ट्र ब्वलनेत राष्ट्र दुनेया फुक्क भाषायात उति खने सयेकेमाः, नत्रसा राष्ट्र न्ह्याक्व हे विकाश जुल धकाः अन्तराष्ट्रिय क्षेत्रय् नार्थिख च्वयेका जूसां व राष्ट्र विकाश जुल धकाः गुबलें धाये फैं मखु वयातला हंगु नाय्-खिया सः थ्वःगु जक धाये फैं । हाकनं गुबलय् तक व राष्ट्रय् च्वंगु बिभिन्न भाषा व जातिया अस्तित्वयात न्हंका व्छयेगु विचाः याना च्वनी, बिकाशयागु लॅपु पना च्वनी अले न्ह्याबलें अन्याय, अत्याचार यायेगु भाबना अनया शासक तय्के दया च्वनी व राष्ट्र गुबलें नं भ्वंखाय् ब्वःगु अवश्य स्वयेमाली गुकिया बल्लाःगु दसु बिभिन्न राष्ट्रया बिभिन्न जाति थःथःगु भाय्या लागि व्यवस्थाया विरोध व क्रांति यानाः अले साः थाय् प्राणया संगं बियाः शहीद धायेकाः थःगु भाय्, साहित्य व संस्कृति ब्वलंका वःगु कीसं तःमु पत्र पकिकाय् ब्वनाः सीका वयागु दु । वहे शहीद-तय्सं थौं तुतां जुयाः कीत लँ कयं वया च्वंगु दु । उकें थन धाये, तुतांया थःगुहे भूमिका दु थःगु हे विशेषता, परम्परा, अस्तित्व दु अले थःगु हे पहलं बिश्व ख्यलय् महत्व ब्वया च्वंगु दु ।

‘भी’ या ग्राहक जुयादिसँ ।

दछिया फिनितका जक ।

न्यंसा धा छं विदेशय् वनेबलय्

मन्दिरा प्रधान

न्यंसा धा छं विदेशय् वनेबलय्
थौं जि थन वया छिमिगु देशय्
दे दु जिमि नं मांबौ सकलें
दाजु किजा थः थिति तःकें

सगरमाथा जगतय् नां जाःगु
जंगल जायेक पर्वत दुगु
म्हय् नसा थें खुसिबाः न्हाःगु
हालाः फङ्गःत वन फुक थवःगु

कला संस्कृति इतिहास वयनीगु
नेपाःमाः दु छो व देगलं जाःगु
थव देया सुपुत्र बुद्धं वयंगु लय्
वना चवन शान्ति धाधां विश्वय् सकलें

बुं खुसि धः आपाः दु खानी
विकासया लय् व्वावने मानि
मुन्दर शक्ति वलवान तसर्किपि
यक्व दु माःबलय् छो पिकायेफुकिपि

मुं क थुमुं च्वनी मखु मुं नं
मयःगु खँ धाइमखु स्वतं छुं नं
स्वभाव बांलाः सकस्यां धयें
सिसःगु मा थस्वैमखु गुबलें

प्रकृति मयजुं न्हाब्लें सुमुं न्हिलाः
सःता च्वनी पाचिने वा धकाः
पृथ्वी च्वपि फुक मानवत
लसकुस दु थन चाहिला स्वयेत

म्हगसय् छंसां खना च्वनी वहे
मांबौ थःथिति लुमनी थः दे
त्वःमके धयां फहे मफुगु
न्हालपहे गुलि हिक्किहिकु लंगु

ल्यावने याकनं सयेकाःसोकाः
स्यवने थः थाय् ज्या सिधयेकाः
फक्व बः बी जि दे थकायेत
तयेगु स्वये नां थःगु अस्तित्व

न्हूगु छे ग्रा न्हूगु कवथा म्फः धाग्रेकेल

थःगुहे देशय् दयेकूगु बांलाःगु टाय्ल

छ्यला दिसै

बैय् छाय्पेगु विभिन्न साइज व डिजाइनया
मोजायक टेराज्जो टाइलया उत्पादक

ही कन्क्रीट मासनरी वर्क्स

ज्यासः

टेकुसी, केपु । फोन नं. ११८२१

अफिस व ब्वसा कवथा

मखंत्वाः, ये । फोन नं. ११८८०

धिधि बःलाः

चक्रमान शाक्य, त्रिशूली

“बा होटेल्य वन, मांयात कना बी । बा होटेल्य वन, मांयात कना बी ।” धाधां छम्ह न्हयदेति दुम्ह मिसामचा खव खवं लैय् वयाचवन । कतांमरि थें बांलाःम्ह मचा धुकु-धुकु पलाः छिनाः लं धुच्छि उकथं खवया वःगु खनाः सकलें न्हिलाचवन । छम्हेसिनं मःहयुसे खयाः थें नौ थें यानाः धाल, “छिमि बा होटेल्य वन ला, नानी ! हूँ हूँ मांयात कना ब्यू हूँ ।”

होटेल्य वनाः च्या छगू कप त्वनेगु प्रायः सकसियां चलन हे जुइ धुकुगु समाज्य व मचायागु “बा होटेल्य वन” सकसितं न्हिकल । छेय् सिसिककःपि जूसा तर्कारी न्यायेत गाःगु धयवा होटेल्य वनाः फुका वंगु धकाः नुगः स्थानाः मांम्हस्यां अथे कंवा धकाः खें स्यना तःगु जुइफु । किन्तु व मचायागु स्वास्थ्य व वसः खनीबलय् चुनानं इमित गरीब धकाः अनुमान याइमखु । साप हे नुगः मछिगु पहलं व मचा उकथं खवया वन । छुं रहस्य दइ थुकी धकाः गुलि न्हयपु चाहोकाः न थये हे जुइ धकाः मनं अन्दाज याये मफु ।

माघया अन्तिम हप्तापाखे, छम्ह बान्हितिइलय् छगू ज्यां लिहां वयाचवना । नीन्यादेति दुम्ह मिसा छम्ह याकः चा हाचाहाचां लैय् वयाचवन । वयागु गम्भीर आकृति मलिन मुद्रा खनाः छाये थव मिसा थुगु पहलं वःगु धंथें

मनय् मतिचा खस खस मिन । जिज्ञासु मिखां वंगु खवाल्य स्वया । उखे थुखे गनं हे मस्वसे व मिसा थःगु हे धूनं वयाचवन । वैयाय् लिक्क थयंबलय् जितः वंगु खवाःया सौंदर्यता साभात्कार जुल । “थुलि छुगु खवाल्य हे थुलि चकं थव मिसा मुमुकाइबलय् गुलि हिसि तिकि ननीगु जुइ व खवालं । अनायास हे मनय् भावोत्पन्न जुल । “न्हापा लिपा जूसा गुज्वःगु समाः यानाः पिहां वंम्ह जुइ थव । “भुलुसुलु वंगु सँ अथें हे भाग्लां तयाः अऊ लकां हे नं मःहयासे व मिसा उकथं वयाचवंगु जिगु लागि अनुगतिया विषय जुल । फन मिखा हे लिमकासे स्वये मास्ति वल । व मिसा छसि-लिना वयाचवन । जि नं थःगु लै लिना वयाचवना । यानय् निम्ह त्याय्म्हत्त च्वाराछवां ब्वाय् वयाचवन । इमि ल्यूल्यू वहे “बा होटेल्य वन” धकाः खवःम्ह मचा नं दु । इमिसं व मिसायात लिलाकाः न्हयपन । लै दथुइ दनाः स्वया चवना । व मिसा उखेथुखें उम्कय् जुइत स्वत । धौछिति अन ज्यापु प्याखनय् ज्यापुं ज्यापुनीयात न्हयन्हय-पनाः अभिनय याःगु थें जुल । आखिरे छम्ह मिजंम्हेसिनं वंगु ल्हाः जवन व मिसां त्वःफिकेत सन । मिजंतयगु बलय् छु लगय् जुइ । लैया सिथय् पःखाल्य लिधनाः बँय् प्यंका व मिसां थिकः काल । अनं वैंत संके मफुत । वं खवखवं धाल-
“जितः गनेमते दाइ”

“गन वनेगु ?”

“ह्याथाय् जूसां वने”

“गन ह्याथाय् जूसां ?”

“सी वनेगु मखु । पयनं वनेगु मखु । प्याः छगः लहीत
ह्याथाय् जूसां वने । भारा सिलाः जूसां नये ।”

मिखाय् खवि लः लः धायेकाः नापस्तुं दनाच्चंम्ह
मचां व मिसायात कत्ताक ज्यै घय्पुनाः खखं न्यन, “मां !
गन वनेगु ? मां गन वनेगु ? जि नं वये ।”

छम्ह बवं निम्ह वव प्यम्ह न्याम्ह मनू मुने धुकल ।
आः जाः थन जात्रा हे जुइन धकाः च्यापलाः फिपलाःति
लिहां वना, “ह्यागु जूसां मय्जु ! छैय्नि हूं । लंय् थये
चवना चवनेगु बांमलाः” धकाः निकः स्वकः तुयाबिया ।
सातुसाला यंकल । मिखाय् खवि हुहुं बिस्तारं व मिसा
छैय् वन ।

जेठयागु निभाः गुलि थी श्व सकसिनं स्यूगु हे खँ खः ।
थुज्वःगु तिन्हिनय् तांग्वाया च्यूताः मयासे छम्ह वहे मिसा
रणचण्डिकाया रूप कयाः ततःपलाः यानाः लंय् वयाचवन ।
सकसिनं वंगु खालय् स्वत । छम्ह मनुखं धाल “जगतचिया
कलाः सिक्क तं पिकयाः वःम्ह थै चवं । गन वने त्यंम्ह
जुइ !” पलख जायेकाः ल्याय्म्हत् प्यम्ह न्याम्ह नं हाचा
हाचावल । उकी उखूनु ल्हाः ज्वंम्ह मनू नं दु । इमिगु
उत्तेजित खवाः खनाः सकलें सशंकित जुल । वथाचिक
मुनाः स्वः वना ।

गल्ली दुने चिकिचावागु छैय् नीकवः स्वकवः दुगु
च्यापसः छगू दु । वखला, कांचला, पुकाला, खैँखि, ऐला
सिसित नं ववया तःगुलि भतिपसः धाःसां उगू । भेज टेबलया
प्रतिनिधित्व याना चवंगु तःपागु सुकू छपातय् ग्राहकत निम्ह
पयतुना चवन । यौवनया स्वाहानेय् थाहां वना चवंम्ह छम्ह
ल्यासैं अत्यन्त हिंसिदुगु पहलं ग्राहकतय्गु सेवा यानाचवन ।
ऐनाखं च्याःपि, ल्यासेया हिंसि काःपि ग्राहकतलें ल्यासेनाप

मिखा ल्वाकाः गुबलें ल्हाः खनीगु, गुबलें न्यतालय् थोगु
यानाचवन । इमिगु स्पर्शं भ्हा वाईया मिनाःला मस्यु
थिक्वर्पात व ल्यासे मुसुमुसुं न्हिउ । ताःथय् चवंम्ह बाझाति
वंम्ह मिसां थुखे मस्वःगुलि इमिगु व क्रिदाय् बाधक मजू ।
ग्राहकतय् ल्याः जाया वंगु नं होश मडु । पलख जायेकाः
रणचण्डिका स्वरूपा व मिसायागु कोधोन्मत्त बाक्यं इमिगु
व क्रिदाय् मलखं काःथें कल । “ए ! रणडी ! पिहां वा ।
जिमि नानीया जानाप द्यनोम्ह रणडी ! पिहां वा”
ग्राहकत तोलय् जुल । ल्यासेया खवाः ह्याउंसे चवन ।
दर्शकतसैं मे वांथात । “पिहां वा रणडी ! सैं छुगु छुगु
दतले मपुसैं त्व तेमखु छंगु ।” मिसाःम्ह धुं थै गज्यं जुल ।
“बा होटेलय् वन, मांयात कना बी” धाःगु खँ भतिचा थू थै
थू थै चवनावल । आः व ल्यासैं छु लिसः बी ? स्वयाच्चं-
पिसं थुकिपा प्रतीक्षा याना चवन । वं छुं हे मयाः ।
ताःथय् चवंम्ह सुलि नकिचां ल्यासेया प्रतिनिधित्व यात ।
“स्वां खन भंवः जू वल । स्वांयात छु दोष ? थः भाःत-
यात वसय् तये फयेकेमाः का छं । बरा ककिया म्हाय्यात
यःथे धाः वइ ।” वत क्रोध कटाक्षं कयेकाः व मिसां
हक्कल, “देशय् थ्वपूम्ह म्हाय् गन बिया तये भाः मजन ।
जिमि नानीया बायात ह्यच्यकागुका मखुला ? दर्शकतसैं
मनं मनं धाल, “मांम्हेसिया हे प्रोत्साहन दु खनि ।
ह्याय्म्ह छाय् कसय् मजुइ !” व ल्यासैं फूर्तिसाथ धाल,
“छिमि भातयाके सर्वसैं त्वःतेमखु ।” मिसातय् लागि थुलि
अप्यः सहयाये मज्युगु खँ मेगु छु दइ ! पालितःलय् नि
वखल । मनय् तं भयबिल । पसलय् कुहां वनाः व ल्यासे-
यात सैं जवनाः पितहल । न्यतालय् ल्थु यांकयाः मुइकल ।
खवाः जायेक थुकलं बिल । “चवं वारे छ जिगु छैय्” धकाः
न्यताः पकुबिक म्हाय् चुइकल । लिछयनं थामय् हादक
ध्वाना व्छत ।

समि मिखा, चाकलाः खवाः, पतचिगु न्हाय् ततःपांय्गु

न्यताः ततःपुगु लहाः तुति ग्याथ्यामाथ्या च्वंगु म्ह स्वयेबलय्
व ल्यासे व मिसा स्वयाः गाकं हे वःलाः खवाःवः । किन्तु
अपराधी धुँया बल बिस्वु वं धाःगु खँ थें जुयाःला मस्यु
वं व मिसायात छुं हे याये मफु । ल्युने वनाच्चपि ल्याय्म्ह-
तय्गु उत्तेजित खवाः खनाः ला मस्यु मांहेसिनं नं छुं छां
धाये मछाः । मिखाय् खबलि ललः धायेकाः स्वयाजक
चवन । उखे थुखे स्वया च्वपिनि पुचलय् भुनु भुनु खँ जुल ।
“श्व ल्यासैं तःम्हलसे प्यपुनेगु स्वये धुंकल । किन्तु
बासना तृप्तिया क्षणिक साधन जक यानाः ल्याय्म्हतसैं
थ्वैत ध्वंलात । आः श्व जगतचित ज्यान वंसां त्वःती-
मखु ।”

“म्या काये दतले थ्याक्कं सुनां यंकी । उकिसनं सुलि
पसःया साईनबोर्ड जुयाच्चम्ह ।”

“श्व शशि थुकथं त्वाः वयेहे मज्युगु । श्व बंगु भूल
खः । थुकि यानाः खँ जक बाःगु मखु प्रतिशोधया भावन
नं वुडकल ।” “जगतचां हे थन वयेगु त्वःतूसा वया छु
लग्जू ?”

छन्हुयागु खँ, बहनी तांम्हःगुलि न्हयः वयेके मफु ।
पासापि प्यम्हल्याम्ह मुनाः पिने गफ वाना च्वना आकस्य
नगु छगः हे खनेमडु । हप् हप् व । फ्यफी नं मसं । वा छकः
वया ल्युला गुलि ज्यू धकाः सकसियां मती । वाथा वाथा
कनाच्चपि ज्वापुतय्त तांन्वयाः छतपत जुयाच्चपि मनूतय्त
मुपांचं हेयेके थें जक याना चवन । श्व छाव थुगुसी नं भिकी
मखुला छु, धकाः सकलें सशक्त । चान्हतिया कि छताः
ई जुल । जिमिगु सभा विसर्जन जुड त्थन । जिमिसं तापक
सुं मिसा छम्ह याकचा शुङ्गुशुङ्गु वयाच्चंगु खना । बिजु-
लिया प्रकाशय् थनेव वैत म्हसिल । वहे सुलि ल्यासे
खनि । सैं भुनुमुनु वं । खवाःपाः कुतुं वडथे ल्युं । न्हाति-
काय् तितानःगु सिम्हः कपालय् उखेथुखे किनाच्चन । खबि
स्वः स्वः वः । सारी हुलि हुलि गाः । लेंया न्हयपाता हे

किरिशारि गुना च्वंगुलि दुने चिनातगु दुरूपे (Chester)
त्वडस्य खने दु । जिमित खनेवं सारी च्वतं छयनय् पुयाः
ज्यू ज्यू थें म्ह सम्हालय् याना वन । वैंत खनाः सकसियां
मिखा तग्वः जुल । परस्पर प्रश्न सूचक मिखां स्व स्व
सकलें तोलय् जुल । पलख जायेकाः छम्ह मेम्ह पासा नं
जिमिगु पुचःया सदस्य जू वल । “गन वना वया ?” न्हय-
सःया बिसः ज्यु ल्युं वं धाल-“थौं नं धुमधाम जुल जगत-
चिया छेय् । आः बहनी शशिया बेल याये सिधयेकाः
चिप सिलाः, सुचुकुचु यानाः क्वहां वःबलय् व सुलि ल्यासे
मन्तयेक क्वथाय् च्वना चवन हँ । थन छाय् छ रण्डी ?
सुंक पिहां वनेसा हँ । नत्र बांलाइ मखु धाल नं छंगु जक
छेँला श्व ? धकाः कसय् भुल हँ । गुलिजक सहयाये
मजिल थें शशिया ! वाकुछिनाः सैं ज्वनाः लुतुलुयाः क्वथां
पितहल । जिमि नानीया बानं बिडगु मखुला श्व वसः ?
धायां लं त्वकेत सन । अले निम्हेसियां त्हाः चलय् जुल ।
तं पिहां वडबलय् बल नं गनं जक वडगु जुड ! अपाय्-
ग्वाराम्हेसित घिसिसिं लुयाः तःखा फुसय् तये हल ।
ककु ककु तिनाः स्वाहाने क्वफात । “छिमि भातं वा
घाल । वये धुन । छं घयां पिहां वनीला ?” धकाः यिपा-
थापा हे मडु । गलेस नकाः पिने तये हल । ज्वाराघिरि
खापातित । तलय् इयालय् च्वनाः शशि धाये जिवव घाल
“थुडक रण्डी ! बेशमीं बेश्या ! बरा जिगु छेँ धकाः
बावा याः वडम्ह का छ ! हँ चपाः (सतः) का छंगु छेँ,
खापाखिपा तीम्बाःगु छेँ । यक्व ल्याय्म्हत दुकाये जिउगु
छेँ ।” व ल्यासैं पति तस्वाकाः घाल-“स्वया कारे ! स्वंगु
छेँ जुड श्व ।”

योग साधन यानाच्चम्ह योगी थःगु ज्या सिद्ध मज्जतले
धर्मसाथ संयमी जुया च्वनी । सुखू स्वानं नं व्हयेगु ई
मज्जतले अनेक प्राकृतिक दुख सहयाइ । वसन्त बल ला,
मुसुकाये त्यलला अले थःगु सौरभ व गौरबया प्रदर्शन

याना: सकसियां मन मुग्ध जुड़क प्रफुल्लित जुड़। अले वेंत
 श्वया: गुलिसिनं छ: यात छाड़। गुलिसिनं छयनय् जुड़।
 सकसिन वेंगु कदर याड़। छह्येमत्यवं हाया बल धा:सा
 वेंगु जीवन अथे हे सिति जुया:फुना बनी। समाजया लागि
 व उपयोगी जुड़ फइमखु। मन्तूया जीवन नं थथे हे धाये-
 मा:। छात्र जीवन वेंगु मुखू अवस्था छ:। थुगु अवस्थाय्
 संयमी जुड़ मफुत कि व विद्यार्थीया भाग्यय् की बाल धयां
 अत्युक्ति जुड़मखु। श्व खं मसिया: अथवा अधीर जुया:
 गुलि विद्यार्थीत लक्ष-पथयात बिचय् हे तय:ता: वासनाया
 शिकार जू वं। शशि बदन नं छम्ह थुज्व:म्ह हे छात्रा
 धायेमा:। वेंगु नां वेंगु रूप लावण्ययात लक्ष:। वेंगु ख्वालं
 वेंत त:खा छेंया म्हचाय्मचा धका: धा:। अज्व:म्ह कोन-
 लाङ्गिनी अज्व:म्हसिया लहातय् नन्न शायद हे ला: बइ।
 वेंगु अतीतया इतिहास सिउपि सकसियां नुग:मिळि। खनु
 ड्राईभरो ज्या नं कवहचंगु मखु। कि-तु बहनी जुलकि लें
 छपुं थ:गु याना: धे धे जुड़का जुड़म्ह, नौतिकतां पिने
 ला:म्ह जुया: शशि दु:ख सिल।

छन्ह थुयसिया गुता: इलय् बीप छग: जमतबिया छें
 कवय्-दिका तल। छम्ह ल्याय्म्हचाम्ह मनुखं टंक बाकस,
 प्ब:पी, खात्रखुत्रु ल्हचया: मोतरय् तथेहया चवन। त्वाल्य्
 चर्वपि मिसात गुलि कचालय्, गुलि फलय् चवना: मिखा
 ताहाक: याना: उखेपाखे स्वयाचवन। तलय् छम्ह मिसा
 खव:खलं हालाचवंगु तायेदु। “पर्सि हे सिने मस:निबलय्
 जित: थथे याना तये अथे याना तये हृदयसिहासनया देबी,
 मनमन्दिरया महारानी धका: हेयेकल। मला:तले हेरा,
 लाये धुंका: छगपीगु केरा याना: गुबलें जित: बिल मुख
 मबिड। रण्डीया खं न्यना: निहं निहं जित: कसा नकीगु।
 चाहं पिहां हुं, निहं पिहां हुं, यतिनिसें याउंक चवें, निहं
 निहं छयपुना चवं। मूर्ख बुद्धि जुया: छ: समानपि मां
 अबुया न्हासय् लाकमं प्यंका: वया। अज्व:गु दु:ख जुल

जित: ! अधमि ! पापी ! जिगु खबि छु छु याइ स्वरे।”

“सं छपु नं हायेके फइमखु। साखीं सा सीमा धायेव
 सीला ?

“जिगु स्या: नुग:या सराप लगय् जुड़ला, मजुइला स्व
 रे।”

“जित: सरा: बियागु का मखुला ?”

“जि मबिया, जिगु नुगलं बिलका।”

“म्हें, श्व रण्डीयात।”

“रण्डीया भा:तं स्वइबलय् रण्डी हे मखा जुड़।”

(धीं, धीं, धीं) ऐया ! ऐया ! ऐया ! (धीं धीं)

सित, सित, योऽऽमाऽऽमां ! जि सित ! हुं हुं हुं हुं

“मांयात दायेमते, मांयात, दायेमते बा, मांयात बा-

तते धया हाँय्: हाँय्: हाँय्:” गपाय्सकं मुल्या:म्ह जगतचा।

“गपाय्सकं मुल्या:म्ह जगतचा ! गुलि अन्धा: या:गु

स्व:, वं कला: यात ! च्वापुगुंइ तयस्या चवंसां लाइमखु

वेंत अपाय्सनाय्म्ह कला: ! लाववपाव सना जुड़म्ह

इबाम् गुलु जगतचा, मुलि-खवं चगतचा।” उखेथुखे इयालय्

चवनाचर्वपि मिसात हालाहल।

पलख जायेका: शशिवदन मिखाय् खबि हुहुं पिहां

बल। मोटरय् चवन। मस्त निम्ह नं लिसे लिसे बल।

ड्राईभरया खापा तित। मोतर स्टाटं यात। छयली स्वाहानें

सुं कुहां व:गु थें तायेदया: ड्राईभरं प्रतीक्षा यात। मोतरय्

दुने इज्जिनया स: थव्याचवन। ड्राईभर जगतलाल लुखाय्

खमे दयेक: बल। ख्वा: भतिचा च्या:, गरभीर पह: व:।

बाये तयेका: मस्तय्गु मायां ला, अथवा कला:यागु जकं

हाकनं भाया वन ला, मिखा नं भतिचा प्या:थें चवं। कितका

वंगु नोट निपा:निपा: मस्तय्गु चिचीपाचागु ल्हा:तय् तया:,

मायायात जवरजसित कवत्यला:, न्हातिका छुंय् चवंक

तया: वं घाल-“छिमि बा:या ल्हा:तं कायेगु थुलि हे का।”

मस्तसैं मिखा जायेक खबि तया: बीम्हेसिगु ख्वा: स्वया

चवन। मोतर हुइत न्हात। ★

व ती छगः

यासुनारा कावाबाता

थौं चाह्य् हागस्य् ह्यत् नं व हे 'ती' छगः ।

'ती' शब्द चवयेवं हे जि थू- जि छु खं कने रयना ।

व ती- छः, व हे तिलं यानाः जि तःकः मछि ब्वहः फये धुन । गये त्वःमंके जि !

छः, जिगु जवःगु ब्वहल्य् दु- व ती । ब्वहःया चवकाय् लावक ।

"सिम्पु पाय्गः जुलं मयाये धुं कल । अक नं व ती लिले ह्यिताचवने मयाः नि का । ह्यिति ... ह्यिति ... छन्हु व हे तिलं पपू बुया वड, अले छं नं हिसिचा बुह्य परिचा थें ब्वया जुइ छनी ।"

छि न्ह्याल्लें गजिय् याना दी । न्ह्याल्लें हिबाय् चवाय् यानाः हाय्काचवना दी । छः, छि धैदिउ थें थ्व ती भचा अक्वः हे तव्वल । तव्वयाः नं ग्वलाः, ग्वल्लानाः नं मनावःगु थें ।

मचा थें लासाय् ग्वारा तुलाः व ती लिले कुतिकुति सनाचवनेगु जिगु साप हे हिसि मवुगु बानि । छि दकय् न्हापां थ्व बानि खंका दोबलय् जि गुलि मछालागु । त्वये नं वज्ज जितः । छि तसकं अजूचाया दिल नि उखुन्हु ।

"थौं मले, सायाको । छं थू लिले व ततःग्वः जुया-वड ।" जिमि मासं नं ग्वःकः मछि ब्वहः थू । तर उबलय् जि मचा हे तिति धायेमाल । किस्वदेंया छह्य हिसिदुह्य न्ह्याय्मचा । न्ह्याव्व धा, न्ह्याव्व न्वा ... जि न्ह्याल्लें व हे सायोको । जा नये धुनेव लासाय् ग्वारातुले, अले तीजक व तिलय् जिगु पतिचा वाले । चायेकं मचायेकं जि न्ह्याल्लें व हे सायोको ।

दक्कय् न्हापां ती चासुवया चवनागु खंकादीबलय् उबलय् तक्कं जि मचा हे तिति । कलाःसू ह्यो व मचाःसू आपाः वं जिके । जि छक्क चाः- छि छह्य मिजं मनुखं जि गुलि मछाला धंगु खं थू जुइला । धात्थें, जि सिक्क मछाला । सिना ति हे रयन । उबले जि बिचाः याना- थ्व इहिपाः धंगु ला तसकं हे मछिगु स्वापू खनि ।

मती वन- सुचुकातइगु दक्क फुक्क खं छि सीका दी धुं कल । संसारया न्ह्याने नांगां थना ब्यू थें जुल जितः । मचायेक मचायेक थःत थम्हं त्वगुनातइगु सुचुकाखें छवः छवः यानाः जितः उला दिल छि । थये ताल, मानें जि कन कन मछालाः कय् कय् कुना वना, छि कन कन जिगु ह्य छम्हं स्वयेगु कुतः याना दिल । हानं, स्वड दिसं रे, छिगु ल्हाःयात जि ह्याः नं धाये मफु ।

उखुन्हु छि न्ह्याइपुक्क हे छं झाल, अले तिति छकाः याउँक सासः न्हाना । जि याकःचा जूगु ड्यू थें चवन । जिगु ल्हाःतं न्ह्याः-न्ह्याः ह्याः-ह्याः धाछां व हे ती चासुवन ।

"थौं कन्हय् व ती छकः हे मथी धुन ।" मायात थये खं छुनाः पौ चवयेगु मती वन, तर थये बिचाः यायेवं हे जिगु छवाः ह्याउँसे चवनावःगु वाःचाल ।

"व ती छगःयात कयाः माःगु दुःख ताइचवगु ला व ।" छन्हु खंय्खंय् छि हाला दिल । जि लयताया । छिगु खंयात नुगलय् थ्यंक तयाः छचं चवाना । तर थौं छचाय् धुंगुव अपाय्मछि हाकःगु ईयात लुमंके । उफ् ! नुगः छवः जिगु । दुख चस्चस् मि थ्व नुगलय् । जिगु छुच्चागु बानियात

छि भचा अप्पो हे ययेकादीगुसा, फन हे गुलि ममि जुइ धुंकल जुइ ।

व ती लुमकाः अपायचो नुगः मछिकागु मडु । मिसा-तयगु गःपतय् ती दु ला धकाः स्वः जुइपि मिजंत सुं वइ ला ! गुबलें गुबलें ह्य स्यंपि मिसातेत 'तालं ग्वयातःगु क्वथा थें मस्यंपि' धकाः छेकि खँ त्हाइ । तर जिगु तीयात 'स्यंगु अंग' धायें मज्यू नि । ह्य स्यंहा धायेत लालंगरी, कनि, खरंनि जुइ मानि का ।

मखु, ती चासु वयेगु बानि दुहा मिसा धकाः छाय् हाला जुइमाःगु छि ?

जिगु बानिलिसे तं वयेके माःगु छु दु अपायचो ?

"थी मते," छि तमं भचा जाये जुयो दी, 'गुलि धायेगु थी मते धकाः ।' सलं सः कः थथे ब्वह बिद्या दिल, जि लुमंके मफु ।

"चासु वयेत देपागु ल्हाः हे यंके माःगु ला ?" छकः ही-मी चाचां न्यना दिल ।

"देपागु ल्हाः ?" थाराक्क न्हूल जि ।

छगू सत्य खः थव । थौं तक्क छकः हे मचाःनि कि ती चासु वयेत न्ह्याल्लें देपागु ल्हाः जक छ्यला । जि असंग वन-मिछां चालाः नकतिनि छुं खंकाह्य थें ।

"ती ला छंगु जवगु ब्वहलय् दु । जवगु ल्हाः धकाः छ्यलेमाः छं ।"

"ओह !" जि जवगु ल्हाः ल्हाना, "तर मछिसे च्वं जितः ला ।"

"गथे मछि धैगु ?"

"तर... देपागु ल्हाः छ्यलेगु बानि जुइ धुंकल ।"

"जवगु ल्हाः सा सती ।"

"जवगु ल्हाःयात लिखतं यंकेमाः ।"

"लिखतं यंकेमाः ?" छिगु सलय तं वहीमी दंक ।

"खः, देपागु ल्हाःतं सा थथे न्ह्याःने छि, जवगु ल्हाः थथे

लिखतं यंकेमाः ।" छि धइदीगु छता खँ माने जुइगु मन जिगु मखु । धायेत म्हुनुइ जायेक ख उलुउलु वःगु खः- थथे देपागु ल्हाःतं ती चासु वयेगु ला जि थम्हं हे यस्यं लहिनागु बानि खः । थथे देपागु ल्हाः ह्येबलय् जि थःत थम्हं वयपुना थें च्वं । मानों जि छिपाखें बचय् जुयाचवना । छितः पना चवना जि । खः, छितः पनाचवना जि ।

तर छुं मखु थें न्यना, 'देपागु ल्हाः छ्यलेगुली छु वं दु ?"

"देपा जुइमा, जव जुइमा, बानि छता बांमलाः का ।"

"जि नं चाः व ला ।"

"ह्लि ह्लि हाला मचवना ला जि -डाक्टरयाथाय् वनाः लिक्का वा धकाः ?"

"तर जि ह्याः । मछाःसे च्वं ।"

"मछाले माःगु छु दु थुकी ।"

"ती छगः लिकायेत सु डाक्टरयाथाय् वनाचवनी । थव तिलं छु स्यंकूगु दु ? ख्वालय् दथुइ वःगुसां बांमलाः खः । तर जि ला पत्याः मजू- मनूतसे गःपतय् च्वंगु ती नं लिकाः । जि वंसा डाक्टर ला न्हिली का । वं सीकी कि जि वइथाय् वनागु मेतां मखु, जिमि भातं ब्वह ब्यगुलि जक ।"

"ती चासुवयेगु बानि दुगुलि लिकाये माल धकाः कने फयेके माः छं ।"

"छु धायें छितः थव ती छगःयात गुलि महोगु व । खने हे मडुथाय् वसतं तपुना तइ थाय् ती छगः वल नं मपाय् धंगु खँ ब । थुलि ला सह याना दी माः छि । थव तिलं छितः छु ह्याइपुकूगु दु । छितः माकु न्ह्याइपु बिद्या हे चवनागु दु जि ।"

"छं चासुवया मजूसा, जितः छुं खँ मडु ।"

"मखु, जि धायें न्यनागु"

"खः, खः, व ती छंगु बुसां निसेंबा बबसः जवनावःगु ।

उकि छं थः महिलेगुली ल ल धाइगु हे जुल ।”

“जि कुतः याना । ताहाः गःतांगु चालं नं फिना स्वये धुन- तोयात थो हे मखु धकाः ।”

“ता तक्क मपयू छं ।”

“हरे ! थ्व तोयात थिल धकाः छु द्वंकागु दु धइह का जि !” मानों जि हानं कच्कच् याना ।

“द्वं छुं महु । थ्व वानि जितः पतक्क हे मयो धइगु का ।”

“तर, छाय् मयोगु छितः ?”

“छाय्या लिसः महु । जिगु न्होने छं थ्व ती लिते हिते मते । थ्व छता बांमलाःगु बानि खः । थ्व बानि छता वान्छःसा जितः यः का ।”

“बानि त्वःते मखु धकाः मधया नि जि ।”

“न्ह्याब्ले चासु वंसां छं खवाः ज्याइगु बि स्वयेमयो । व छुं तं थें, छुं त्वःमं थें ज्याइगु खवाः । हः व खवाः यइपुस्य मच्चं धेगु का ।”

सके छिगु खें सत्य खः -व खें गुकि जिगु दुनुगः थिल । उकि जि छयं वाना ।

“हानं थये ती चासु वयागु खना दिल धाःसा, जिगु ल्हाःतय् दाया दिसं ।” जि खवबिलुचा बें हाला ।

कलाः-भाःतया त्वापु चम्बुत, तर ताउ तक्क नं छिगु शब्द जिगु नुगलं हुयाव्छये मफु ।

‘हः व खवाः यइपुस्य मच्चं ... ’

‘छं खवाः ज्याइगु जि स्वये मयो ... ’

व दृष्य ... देपागु ल्हाःतं थःत शम्हं घय्पुनाः ती चासु वना ख्वनागु व दृष्य ... त्वले कनाः गनं तनाच्वंगु मिखा ... छुं तं थें ... छुं त्वःमं थें ज्यानाच्वंगु व खवाः ... व दृष्य, गथे धवाथुइकेगु व दृष्ययात । खः जि याकःमि ... थः जक म्वायेत स्वइम्ह स्वार्थी ... व दृष्य ... छम्ह मिसां खवाः ज्याःगु दृष्य -चिकिचा धंगु छ्हाःचागु ‘थः’

बात मेपिपाखें बचे यायेगु कुतः यानाच्वंगु दृष्य । छुं महुगु छम्ह कीचिगु जीवन बराबर ‘थः’ यात म्वाकातयेगु इच्छाय् करपित पनाच्वंगु दृष्य । खः, जि तनावना -जि ‘थः’ थःके हे तनावना । छम्ह स्वार्थी थःके हे तनावना ।

छु जि छितः ‘थः’ यात लःमल्हानागुया थ्व संकेत यू ला छि ? थ्व संकेत -छि व जिगु दश्वी छवः ख्युंगु थाय्पा अन्तर । अले ती चासुवें बल्य् छु जि दुनेया सत्य जिगु ख्वालय् लूवः ला ?

तर थ्व चिकिचाधंगु बानियात छि थपाय् धंगु खंय् हिला दिल, सके थुकिया कारण मेनां मखु -जि छितः बीमफुगु सन्तोष खः, छिगु प्याःचाः जि लंके मफु । यदि छितः माक्व न्ह्यइपु बिइ फुगुसा छि न्ह्याब्लें जि खनाः मुसुमुसु न्हिला दी । थ्व ती छगःयात कयोः चछि चछि हालाच्वने म्वाःलिगु जुल ।

अले व बिचाः नं गुलि ग्यानापु । जि थुरं खात -गुबले जिगु मन्य् ऊवात छता खें लुल । जिगु बानियात ययेकीपि सुं मेपि मिजंत नं ला दु ज्वी थ्व संसारे ।

थ्व छिगु मतिनाया इच्छा खः । छिगु मिखाय् न्ह्याब्लें हिसि दइ च्वनेगु छिगु इच्छा । तर थुज्वःगु चिचो-धंगु खं हे खः, मचायेक हाकयाः थहांवइ, जीवनया न्ह्यइपुगु किपाया धवः की, इहिपाः -जीवनयात कुचा-कुचा बला बिइ । धात्थेयापि कलाः भाःतपित ला ब्यक्तिगत असमानतां छुं किचः मत्तले माःगु खः । पाः फयेके छाः -थौं तक्क उज्वःपि कलाः भाःतत गनं दइ मखु, गुमिगु दश्वी छुं असमानता महु । मिले जुयाच्वने फुगुया अर्थ निम्हेसिया दश्वी नं मव्यंगु मतिना दुगु मखु । व त त्वा जक त्वाइपि कलाः भाःततय्गु दश्वी मतिना भवा हे महु । जि बिचाः याये (थये बिचाः यायेगु त्वःते मफु) -जिगु चिकिचाधंगु बानियात छि भचा अप्वः हे तभवःगु मिखां स्वया दिल ।

धार्थे छि जितः दोः काल, प्यंकः जाल । जि खबया ।
जि न्यना छिके ... छि छाया थुलि हारां जुया दियागु ?
श्व तो छगलं जि छाया थुलि दुःख सो माःगु ? तर वला
धार्थेगु खंया दचबः जक । “गथे लंकेगु व बानि ?” छि
धइ दिल, छिगु सलय् तं खाः । बांलाक थू जि, छिगु
नुगलय् हा कयाचवंगु खं । जितः दायाः छिगु नुगः सिकक
हे मॉम । मेपिन्त श्व खं कंगुसा, छितः पक्का नं हारांम्ह
भाःत धाये धुंकल जुइ । तर न्ह्यागु निगति खं नं छगु
सह यायेगु व सह मयायेगुली हिलाचवंगु व इलय्, छिगु
ल्हाःतं ब्यूगु कसां जिगु म्ह भचा याउलं । मन भचा
ववलात ।

“जि गुबलें थये याये मखुत, गुबलें । जिगु ल्हाः
चिना दिसं ।” जि थःगु निपां ल्हाः छिगु छाती दिके हवा,
मानों जि थःत छम्हं लःल्हाना ।

छि छक्क जुया दिल । छिगु तं गनं गनं सुना वं थें
चवन । छि धार्थे चिकि जिगु ल्हाः प्यपुंक चिना दिल ।

छिगु मिखा स्वस्वं जि लय्ताया । चिनातःगु ल्हाःति
सं पियाचवनाम्ह जितः स्वयाचवंगु छिगु मिखा । बिचाः
याना -आः जिगु बानि तनावनी ।

तर बानि जितः त्वःता मवं । बानि हानं लिहां वल ।
अले जि प्रति छिगु मतिना नं सदाया लागि सित । छि
थये हे धइ दियागु मखुला कि जिगु बानियात गुबलें छुं
धया दी मखुत, जि थः यथे सना चवं ? उकिं ती चासुवये-
बलय् छि खंसां मखं छू, याना दिल ।

अले छगु अजू चाइपुगु खं जुल । न्ह्याक्व ब्वह ब्यूसां
दाःसां मप्वंगु बानि उखुन्हु मन तन ? गुलि थाकुक्क कुतः
यानां मवंगु बानि, थः थम्हं हे तनावन ।

“थौं कहै ती चासुं मवये धुन, स्यू ला छि ?” छितः
कना मानों व बानि नकतिनि जक तनावन । छि बिना
शब्दया न्हासं सः पिकया दिल, अले छुं वास्ता मयासे

जितः स्वया दिल ।

श्व खं छिगु लागि निगति सा छि छाया न्हापा अय-
सकं ब्वह बिया दियागु -जि न्यने मास्ति बः । तर छि नं
तक्कं तुयामदी जितः ।

छगु बानि -दुसां मदुसां छुं खं मदु ? -न विष न
वासः । छत्त अपाय्जि यःगु बानि छाया त्वःता व्वया ?
-मानों न्यना दिल । छिगु खवालं निराशा बिल, तर ।
छितः छकः हानं ही-मी चायेकेत व ती ध्वांइ ध्वांइ
चासुवया बयने मास्तिबल । तर जिगु ल्हाः मन्हाः ।

जितः कन याकःचा जू थें चवन । तं नं पिहां वल ।
छि न्ह्याने मदुबलय्, हानं चासुवये मास्ति बल । तर
छाया छाया थः खना थः हे मछा थें जुल । जिगु ल्हाः
मन्हाः ।

जिगु मिखा बेंय, ववछुत । म्हतुसि वांन्याना । “छगु
तो छु जुल ?” छि न्यना दी धकाः पियाचवना, तर तःन्हुं
निसें ‘ती’ धेंगु शब्द म्हतुं पिहां मवल । सके श्व लिसे
मेगु यक्व यक्व खं नं तनावन ।

ब्वहबिया दीगु इलय् हे जि छाया छुं याये मफुत ?
गुलि ज्यालगय् मजूम्ह मिसा जि ।

थःछेंय् लिहां वइगु तःन्हु दत । छन्हु मो ल्हयाचवना-
बलय् मामं न्यन, “छ न्हापा थें बांभलाये धुंकल,
सायोको । छ ई लिसे त्वाये मफु का मै !”

जि ग्या ग्या मांयागु खवाः स्वया । मां न्हापा थें हे
-प्वात्याक्क ल्हं, फुंइ बः ।

“... अँ, बरु ब ती जक कन बांलाना चवन का ।”
नांगागु ब्वहलय् पतिनं सुसुं मां ह्यालाचवन ।

तर जि मांयात कने मफुत । मांयात छुं हे कने
मफुत । जिगु म्हतुं थुलि हे जक पिहां वल, “डाक्टरं
थुज्वःगु ती याउंक हे लिकया बी फु हँ ।”

“... अँ ? खः डाक्टरं ... तर अन खू छकूचा

चवनी ।" गुलि शांत, गुलि याउंसे चवं मां ! "जिणि व ती खना: न्हावलें न्हिलेगु । जिमि जिमि खँ ल्हायेगु — सायोकों अऊ नं व ती लिसे भिहता चवं जुइ ।'

"ख: मां, अऊ नं ... तर मां, व ला बांमला:गु बानि । गुबलें निसें दुगु जिके श्व बानि ?"

"जि छक्क चा: मस्तयके गुबले ती वइगु थें । छं दुह त्वंबलय् तक्क ला मबनि । ... तर छंके थें थथे तग्गदेक वइगु भचा म्ह हे का । भचा भचाबलय् हे व:गु जुइमा: ।" जिगु ब्वह स्वस्वं मां न्हिल ।

जि लुमन- छ:, जि मचाबलय् ... जिमि मां व जिमि त:केहेंमिसं जिगु तीयात कया: खँ ल्हाइगु । उबलय् तक्कं हिसिचा दु श्व ती । जित: नं तसकं यो श्व ती । उकिं हे चासु वँइ चवनेगु बानि जूगु ।

लासाय् स्वारा तुला: ती चासु वँ वं जि मचाबलय् व मिसा जुइ छुंका: जिगु जीबलय् श्व तिलया:गु खँ लुमंका यना । चासु वयेगु स्व:तागु त:दँ हे दत । स्व:दँ मछि ... ओह !

जिगु थ:छेंय् ... छि तायाक्क जि बूगु छेंय् जि थ: यस्तले ती लिसे भिहताचवने ज्यू । थो मते धाईवि सुं मडु ।

तर थथे मसि ।

पतिचां ती थूलिसे जिगु मिछां ख्वाउंक खबि हाल ।

छफ ! यक्क हे तापाये छुं कूगु ई लुमना वइचवन । जि मचाबलय्सिगु ई । उबलय् जि गुलि बांला: । हिसि दु । न्हास्हेस्यां तथे थें याइगु ।

तर ती थिक्क प्रति छि जिगु निछाय् दं फाइ ।

जि मिन्ह कला: जुइ मफुत । थ:छेंया लासाय् छित: लुमंकां छुपाये ।

प्या:गु फुंग हीका-अयनं म्हगसय् बहे ती म्हन ।

जि वा: मचा: -जि गन ? तर अन छि दी, अले मेपि

मिस्त नं जि अयला: त्वन छनि । धाथें जि काल । जि छि लिसे त्वानाचवन ।

बांमला:गु बानि हानं पिउवल । वेपागु ल्हातं बुलुहुं थ:गु नुग:पा घय्पुना । पतिनं ती कस्तिक उवन । तर व ती -गथे जिगु पति दश्वी थाना व:गु ? छफुति हे मस्याक व ती लिहां वल । संसारय् दकय् स्वाभाविक कथं व ती लिहांवल । जिगु पति दश्वी सियात:गु सिम्पु थें स्वला:गु व ती ।

न्यासिचा:म्ह मचां थें जि हालाचवना-श्व ती छिगु न्हाय् लिक्कसं तिका दिसं ।

ती छिथाय् न्हा:ने छ्वाछ्वां जि खवया । छिगु लंच उवना: खवया । छिगु छाती यग्गाना: खवया ।

जि न्हालं चा:बलय् फुंग प्याना चवन । तर जि खवया हे चवना ।

जि त्थानु चाइ वल । नापं याउंसे नं ताइ वल । मानो जिगु ब्वहलं ऊयातु कु दिका ।

छफा: ला जि मुसुमुसु नं न्हिला -धाथें ती मस्त ला जिके ! ती दुथाय् बुलुहुं पति वाला ।

ती ला गन छ:, अन हे दति । अझ नं हाकुगु मिम्पु थें पतिया दश्वी कस्ताय् फु ।

छता खँ, -जि न्हापा गुबलें नं बिचा: मयाना -जिगु ती छिगु न्हाय् लिक्क जू वं ता ! थथे जि गुबलें छं मथया, तर नं न्हापां निसें हे जिगु नुगलय् श्व खँ सुलाचवं थें ताल ।

धाथें व बाखं गथे चवनी -जिगु ती छिके वना: तत:खवया व:सा !

अले जि गुलि लय्ताये श्व म्हगस नं जिगु परसा छिके म्हंगु सा ।

— भाय् हचू म्ह :- केशव शाक्य

भाजु आनन्द जोशीया

निपु चिनाखें

व ला खुसि खः

यद्यपि खुसि मनु मखु

यद्यपि खुसिया त्हां, तुति मखु

अयसां

गतियात पनेत स्वःगु व्हंज, पःखाःत

दकसिबे याकनं चूचू थलेफु खुसि !

यद्यपि खुसिया म्हुतु मखु

अयसां

थःत पनाः लिकुंकेत स्वःगु क्रमया विरोधय्

चिल्लाय् दनाः

विद्रोह यायेफु खुसि !

उकि

सुनां अभिधानया गतियात पनेत स्वःगु पःखाः थुनी

सुनां जिन्दगीयात लिकुंकेत स्वःगु क्रमया विरोधय्

व ला खुसि खः !

ह्याउंगु सर्गः

सुथय् मिखा व्वयाः सर्गः स्वया

सर्गः छकुति ह्याउंसे व्वनाचवन

व ला रंग मखु

व ला शहीदतय्गु हि !

बुलुहं ह्याउं (घाये हि) परिवर्तन जुयाः

निभाः जुयाविल -

चिकुपुनाः भीरय्गु सिमातय्त, जिन्दगीतय्त

म्हुगु जिन्दगी लःतहाना

अनास्थाया हूलय् छगू आस्था बुझका ।

ज्या खयले मदुसा छुयाये !

गौतमदास अमात्य, थक्काः

ल्हाप्सा त्वः थें त्वयां छुयाये

जीवनय् छुं हे हलचल मदुसा

नगुत यक्व हे थूसां छुयाये

उकि थन जः हे छपति म्भूसा

वातना विहिन स्वां ह्यां छुयाये

उकिया छुं हे महत्व मदुसा

कुस्तं थूगु कल दयां छुयाये

उकिया छुं हे ज्या खयले मदुसा

भला लप्ते दयां छुयाये

उकिइ छुं हे तयाः नये मज्जुसा

तु खयाः तुं चाकुगु सवाः मवःसा

थुकिइ मेगु छुं घाये मानिला ?

ल्हंया मूति थें बांलानां छुयाये

मानवताया गुण हे मदुसा

पिलिक्क च्यानाः पञ्चाक्क सिनाः

तनी व ला ल्हाप्सा त्वः थें जुयाः !

२०३२

मोहनिया लसताय्

उद्योग यःपिन्त

कुतुगलं भिन्तुना

थःगु सिप व ज्वलंया लिधंसाय् उद्योग यायेगु

कीगु औद्योगिकरणया लिधंसा खः १९५ प्रतिशत

तक नं त्यासा काये दु । लाभ याना दिसैं ।

नेपाल औद्योगिक विकाश करपोरेशन

दरबार मार्ग, काठमाडौं ।

दुर्गा भवानी

“कृषि दै” ताःलाकेत
सकसितं शक्ति बीमा

श्वहे

दुनुगलं भितुना देछासे

जिमिगु विशेष व नियतित त्यासा कार्यक्रमं
अण्वः फाइदा कायेत
सकसितं इनाप याना ।



कृषि विकास बैंक

नेपाल

श्री नवदुर्गा भवानी



श्री सकसितं यच्चुपिचु जुयाः
महंफयेका चवनेगु प्रेरणा बीमा

श्वहे सकसितं जिमिगु
मोहनिया भितुना दु ।



काठमाडौं नगर पंचायत

परिवार

जिगु मिखा, न्हाय्, म्हतु, तुति व कलम

लवकुमार जोशी, वुटवल

जिगु श्व निगः मिखा दुगु
छु वर्तमान संसार क्वथीक स्वयेत मखु ?
तर, जिगु मिखां, धात्थेहे धायेसा -
जि च्वंच्वनागु थासं नीकु जक तापाःगु
तजाःगु पःखाः जक स्वये खना च्वंगु दु ।

× × ×

श्व ह्नाय् नं जा
नस्वाःगु वा नवःगु नतुनेत नं खः !
छाय् खः मस्यु जि -
जिगु ह्नासं धाःसा नवःगु बांलाक
नतुनेहे मखंति ।

× × ×

म्हतु कोगु,
ब्रह्माण्ड खः ।
म्हतु छगू सत्य खः ।
छगू बत्लाःगु व बवातुगु अभिव्यक्ति खः ।
अले श्व नं धाये मास्ति वः -
“मनूत सकसिपां प्रतिनिधि नं खः ।”
तर जिगु म्हतुं -
सामान्य व्यवहार जक याये फु

सत्ययागु न्हाःने ला

पाकः जुयाः च्वंच्वन !

× × ×

तुति मदिक न्हाज्याइहा यात्री खः ।

खःसां छु याये ? जिगु जाः मखु !

जि ला न्हापांतुं क्वःछिना तःगु -

थुना बिया तःगु थाम्य -

तक जक थ्यना वये फु ।

बुलि हे जक जिगु तुति याये फु का, वासा !

× × ×

थीयागु कलमं म्हगु युग ह्येफु ।

कीगु कलमहे जनताया लः खः ।

तर जिगु कलमबात धया च्वन -

“यक्व अप्पः क्वयेमते छं,

गुबलें व्वांम् वनेमते छं,

चिडिपत्र च्वयेत व

हिसाब यायेत जक

छजलेगु या ।”

२०३२

मोहनि नखःया

लसताय्

सकल नेपाली जातिया

सुख शान्ति व समृद्धिया निंति

दुनुगलंसिं भिन्तुना



नेशनल ट्रेडिंग लिमिटेड

परिवार

स्वःमंके मते

कुलबहादुर महर्जन, पंग्रा

कीगु मां भाय्

भरतकुमार भारी, पोखरा

थर थर खाना:

ल्यु ल्यु जुया:

गाया दुने जक

पति धस्वाका चवनेगु

ई मखु, थव थोया ई ।

लिचिले मर्यू

विकासया लें, प्रगतिया लें

म्हास मखु थव जीवन धेंगु

सिति ब्छये मर्यू

म्हाके कयेके मा:

जनताया सेवाया निति

उकि

वा स्वा: वने शी

लें छया:तनाप

जनताया शत्रुतनाप

अन्याय अत्याचार न्हंका:

जनताया दु:ख तंकेत ।

मस्त की ख:

मांया, नेपा: मांया

मांयात न्हीकेगु हे

की सकस्यां कर्तव्य ख: ।

थव कर्तव्य पूर्वकेगु हे

कीगु जीवन ख: ।

उकि

स्वःमंके मते

कर्तव्य हे जीवन ख: ।

स्वाय् मा: की थन नेपा: देशे

जाय् मा: दक्क थन नेपा: देशे

हाले मानि थनहे जीवनया म्ये ।

‘जिपि छिपि’ मखु ‘की’ ख: सकलें

नेपाल मांया मस्त सकलें

त:जिगु भाय् की त:गु द:सां

नेपाल मामं थूगु ख: न्हां ।

मां य: थें मां भाय् नं वय्के

थ:थ:गु भासं मां लुमंके

त:धं चिधं मखु मांया मस्त

भाय् नं अथेहे ख: दुरस्त ।

म्ये हाले म्ये चिने मामया

नुग: उला: वयने दु:ख सुखया

त:गु भासं थ: थ:गु भासं

चवये, ववने ज्ञान नं न्हाबसं

नेपालया भाया दं सुया

नेपालया भाय् नं थें वया

वा थव वयबय् हिले म्हिते कीकी

नेपाल अले गय् स्वर्ग मज्जी



प्राप्त १२ पुर्णि

२०३२

वि.सं. २०३२

पुस्तकालय, वि.सं. २०३२

पुस्तकालय, वि.सं. २०३२

मोहनिया लसनाय्

सकल देशवासीपिन्त

दुनुगलं

भिनुना

विराटनगर जूट मिल्स लि०

विराटनगर

नेपाल भाषाया न्ह्यागुं सफू व पत्र पत्रिकाया

निर्मित

लुमंका दिसँ

न्हसला सफू कुं

केल त्वाः

मोहनि नखःया

लसताय्

दुनुगल

भितुना



नेपाल बैक लिमिटेड

(स्थापित १९५४)

एन. सी. सी. एन.

भोह्ननिया लसनाय्

देश, नरेश व सकल नेपाःमितय्

दुनुगलंसिं भितुना



नेशनल कन्स्ट्रक्शन कम्पनी नेपाल, लिमिटेड

फोन. नं. ११८७६, १५९१९

पोष्ट बक्स ३७



या धापू

‘अनी’ लय्पोया बुगु ल्याः ये, यल व खवपं पिनेया नेपाल भाषाया चवमिबिनि चवसु नापं तयाः छाय्पे दयाः लय्ताः । तःवं जिपा शुक्थं नेपाल भाषा साहित्य छयल्य् नेपाः गालं पिनेया साहित्यकारपि न्ह्यलू वःगु धाथें लय्ताःया खं खः । थुकिं झीगु नेपाल भाषाया साहित्य छयः चवकनाः तय्या जुजुं वनीगु आशा यायेकु । उकिं थयेहे लिपा मिपा नं नेपाः दुनेया मेमेथाय्या नेपाल भाषा भाषी भाजु सयजु-पिसं नं थःगु मां भासं साहित्य चवयेगु ज्याय् न्ह्यचिलाः नेपाल राष्ट्रया साहित्य ब्वलंकेत फुगु योगदान याना दी धइगु आशा याना ।

नेपाल भाषा ये, यल व खवय्या स्थानीय भाय् जक मखु नेपाल दुनेया फुक्क जिल्लाया शहर बजारय् चवंपि नेवाःतसें न्ह्यइगु राष्ट्रिय भाय् खः । उकिं थव भाय् व थवया साहित्य ब्वलंकेत राष्ट्रिय स्तरय् कुतः जुइ माःगु दु । नेपाल भाषा व साहित्यया गतिविधि नेपाः गालय् जक लिकुना च्वेतले नेपाल भाषा व साहित्यया विकास देशया राष्ट्रिय आवश्यकतायात त्वःकथं जुइ फइ मखुनि । उकिं नेपाल भाषा साहित्यया विकास नं राष्ट्रया विकासया निति आवश्यक भाःपाः नेपाल दुनेया नेपाल भाषाभाषी सकसिनं नेपाल भाषा साहित्य ब्वलंकेत फव्व कुतः याये माःगु दु ।

नेपाल भाषा साहित्यया गतिविधि अन्धः थें नेपाः गालय् जक लिकुना च्वथें थुकिया पाठकत नं थ्वहे नेपाः गालय् दुने जक सीमित जुयाच्वंगु दु । थव नं नेपाल भाषा साहित्यया विकासया निति छगू कथंया पंगः खः । उकिं थव सीमितता मध्येके पाखे नं याकनं हे कीगु ध्यान वने माःगु दु । ★

विचाः खं

भाजु धर्मरत्न ‘यमि’

(ने. सं. १०३५ - १०९५)

अहंत्तनन्द (महाकाव्य), सँदेया लिसः (खण्डकाव्य), स्वाखं पुचल (चिनाखं मुना), भृकुटी, लिथु व आङ्गहामो (उपन्यास) चवयाः कीगु भाषा व साहित्य थकायेत बय्-कलं याना दीगु सेवा झीसं गुबलें त्वःमंके फइमखु । वय्कलं कीगु भासय् ह्यति जुयाच्वंगु महाकाव्य व उपन्यास साहित्य ब्वलंकेगुली जक मखु इलय् छयल्य् ध्याचुं जाःगु चवसु, चवखं, बाखं व चिनाखंया सफू (मेमेगु भासं चवया-तःगु नं) चवयाः नेपाःया साहित्य विकासय् तिबः ब्यूगु दु ।


थुकथं नेपाल भाषाया नांजाःह्य साहित्यकारया ल्यू ‘कवि रत्न’ धकाः हनातःह्य भाजु धर्मरत्न ‘यमि’ मत्यबं मडुगुलिं नेपाल भाषा साहित्यया छगः रत्न तथें जूगु दु, ‘झी’ परिवारयात तसकं तःधंगु दुःख जूगु दु ।

भाजु मानदास तुलाधर

(ने. सं. १०२१ - १०९५)

८०० पुं मयाक नेपाल भाषाया पुलां म्ये मुनाः पिकयादीह्य, ‘पुलां म्ये निगूगु’ ‘पुलां म्ये स्वंगूगु’ ‘मल्ल - शाह कालया म्ये’ मुना दीह्य, ऐतिहासिक महत्वं जाःगु ‘महासत्त्व प्याखं’ पिथना दीह्य, नेपाल भाषाया तःगू सफू पिथना दीह्य, सना वनेत्यंगु प्राचीन साहित्यया संरक्षण यानाः उकियात सकसियां न्ह्याःने न्ह्यबयेत सम्पादक व मेमेपिं साहित्य प्रेमि भाजुपित्त तिबः बिया दीह्य ‘भाषा जवाः’ भाजु मानदास तुलाधर आकाकाकाय् ध्यानाच्वंगु मत पवाक्क सी थें मडुगुलिं नेपाल भाषा व साहित्य प्रेमिपिं पुलांगु युगय् चाःहय्वनेत छीमाःगु तांपु त्वःधू थें जूगु दु, झी परिवारयात मुबलें मलनिगु घाः जूगु दु ।

फोन नं० ११२९० व १४३२७



HOECHST PHARMACEUTICALS LIMITED

AHMEDABAD • BOMBAY • CALCUTTA • DELHI • MADRAS • KATHMANOU

मोहनिया भितुना

लुमंका दिसँ

भाजुरतन इन्जिनियरिंग एण्ड सेल्स प्रा. लि.

जिपिं

- लुकास सर्भिस ओवरसीज, बिलायत व
- इण्डियन लुकास सर्भिस, भारतया उत्पादन कार, ट्रक इत्यादिया स्पेयर पार्ट्स,
- मेसि फर्गुसन ट्रंकटर भारतीय व बिलायती
- बिलायत स्थित क्राइस्लर कम्पनीयागु कार व मेनेगु बाहन
- रेफ्रिजरेटर कम्पनीयागु कलच प्लेट
- इण्डियन अक्सिजन लिमिटेडया विभिन्न प्रकारयागु अक्सिजन ग्यास व
- मेमेगु विभिन्न कम्पनीया मेसीनरी व अन्यान्य सामग्रीया

जिपिं नेपाल अधिराज्यया नितिं वितरक खः
सेवा चायेगु अवसर बिया दिसँ ।

भाजुरतन इन्जिनियरिंग एण्ड सेल्स प्रा. लि.

पो० बा० नं० १३३

ज्योतिभवन, कास्तिपथ, काठमाडौं

शाखा — बीरगञ्ज, विराटनगर, भैरहवा, हेटौडा ।

मोहनिया भिनुना

होण्डा

H O N D A

H O N D A

मोटर साइकल व स्पेर पार्ट्सया निंति लुमंका दिसँ ।
अथे हे होण्डा पावर टेलर व होण्डा जेनेरेटर नं जिमियाय् दु ।

स्यामुकापु ट्रेडिङ्ग कंपनी

ज्योतिभवन, कान्तिपथ, कान्तिपुर

फोन नं. ११४९०